

小言集



小言集 依本書自序題 道光二十八年至咸豐五年

愛日堂詩一卷 虛室詩一卷 小書策詩一卷

所宜軒詩一卷 枕善居詩一卷 枕善居雜說一卷

枕善居文一卷 家諱編一卷 三十六湖漁唱三卷

漁唱乙稿一卷 宜略識字齋雜著九卷

共十一種 二十一卷 清高郵王敬之撰

奕繪頓首

伯申先生閣下前月得讀

令弟詩詞五卷清淡朴古當時罕見求之古人真韋孟
之流亞也謹題二詩用申私淑

令兄司空古君子弱不勝衣學有以六書詁訓家舊傳
自言夏有能詩弟

使還有約相寄來律中麤賓諧宮徵書巢近作尤精妙
老夏成能何所似蘭蕙叢生山之阿江漢滔滔濯秋水
我讀先生漫筆作孤芳娟潔離塵世又讀先生水來謠
高明慷慨思經濟紛紛俗子何足云茫茫古人呼不起
東山有客狂且癡未識君面見君詩知君亦是栖栖者
何日相逢把酒卮

三十六湖邊春風繫畫船相知恨已晚相見夏何年淡
泊陶元亮清新孟浩然鳥鳴吟伐木西望隔蒼煙

自言夏有能詩弟

奕繪帥



敘

蓋聞玉樹瑤林自是風塵外物彈琴
長嘯宛然圖畫中人由其品格清超
得以篇章煥發馨若蘭而啟秀春氣
為文淡如菊以貽芳秋懷彌韻八又
速藻故應遜此高華三影時花豈足
方茲雅麗高郵王君寬甫天資卓越
詣力深醇家學師承韋元成明經繼
父門才鼎盛蘓子由執簡從兄馳音
彩於名區耀才華於上舍昔以頻年
枕藉卷帙羅宵今看一片宮商詩詞
脫手郵筒甫啟快觀星雲緘翰徐披
紛陳綺繡其為詩也古風則淡句皆
腴近體則研辭必典謝公水月飄逸
氣於毫端杜老乾坤貫元精於字裡
或抒性靈以相寄不加雕飾而自工

洵堪方駕唐賢上
追前哲矣其為詞
也剪水為神栽花
作骨披襟獨坐欲
酬嶺上松篁振鷁
高吟不食人間烟
火挹雅歌於蘭畹
真黃絹幼婦之受
辛仿漁唱於蘋洲
是白石老仙之知
已其韻致允推獨
秀與佳詩相輔而
行三卷分標一編
合訂竊思騷壇樹
幟所向無前宜乎
稿本連篇所儲必

富乃刊行問世探
驪但得其珠而載
誦傾心窺豹不離
於管何其肆力之
勤而示人之少耶
然而高逵夫之發
詠年已五旬陶元
亮之傳文帙惟四
卷今君春秋壯盛
著作頻仍積以成
多進而愈上薄風
騷為詩史與古抗
衡呼屈宋作衙官
和聲鳴

盛筌簧藝苑補曠
代之咸英鼓吹詞
垣賡

承平之雅頌君不慚乎摩詰豈徒學守青
箱我深愧於昌黎未獲夢吞丹篆辱
承雅屬不揣荒疏畧序簡端藉以報
命云爾道光丁亥小春月姻愚弟韓
克均拜撰於閩南節署思益山房



叙

稱詩於唐李杜牢籠萬有跨越百代
而必以摩詰為正宗稱詞於宋姜史
敲金戛玉裂石穿雲而必以絳夏為
妍唱蓋雖才蘊山海之富聲出雲霞
之上而求其春容和雅有朱絃疏越
一唱三歎之音則必於摩詰叔夏有
取焉敲音之道通乎性情滯於迹象
者非其至者也自世之譚藝者以規
模大家比之於豪門託足而務為新
穎或降而雕琢曼詞或遁而隱淪枯
槁夫隱淪者詞之跡也彫琢者尤詞
之迹也皆非游乎象外者也惟不以
顯晦役其志不以愉戚累其心蟬蛻
濁穢超軼萬物之表吐屬自然榮肖
天秀庶幾合於風雅之旨余攷摩詰

與弟縉皆涉厯清要席履華膺而清
修梵行倘佯輞川其詩天機清妙有
物外高致赫夏為循王孫汗漫南北
者三十年晚乃棲跡於杭越之間奚
童錦囊不改故態悞詞小令意度超
元彼其天壤高曠豈囿於形迹者哉
吾鄉數甲族者首推過江王氏高郵
自文肅公以來三世皆躋顯任家傳

青箱人人有集余與伯申尚書為同
年生頃謁懷祖先生於邱第雖季登
大耄而窮年矻矻著述不少輟聞次
君寬甫孺染庭誥尤好吟詠恨無由
相識今年春過揚州寬甫寄其所著
詩詞屬叙余受而讀之其詩精深華
妙如誦孟城華子之什也其詞雅麗
婉約如聆銀浦綠房之詠也殆合摩

詰叔夏為一人蓋其相契在性情之
微而才華門第亦復似之寧其追蹤
古人而無愧也余少好為詩長而習
為倚聲自通籍後馳駟鞅掌舊學荒
落媿為塵俗所累勉為弁語能無赧
然道光七年歲次丁亥十二月上澣
孫爾準叙



吾鄉后臞王先生著作等身其自稟暨子文簡公續采
卷帙緜重皆有功經學而言志之作不多見詩餘更弗
之及矣豈先生故薄之而不爲與抑治經之心專不欲
以要崇閒之與焚其曰詩訓入也務取法乎上不爲苟
簡之學古體泝原溘魏近體則必曰唐人爲宗謂宋元
佳處皆從此出作古體宜依唐韵部分說尤確鑿先生
仲子寬甫親承家學曰殫精於詩其能自樹立不因循
宜矣寬甫具絕人之才宏覽博識少時已有名許鄭精
斲靡不耳傳曰歎焚不屑屑進取凡世情所豔羨眠之
蔑如也徃徃於讀書稽古之餘曠焚有高山流水之志

小言集敘

一


觀夫四時百物之蕃昌則欣欣曰喜觀夫古今人事之
變遷則悄悄曰悲其悲喜若無常蓋無在不有詩意焉
絲是家居則有詩遷居則有詩寄居則有詩境屢易而
詩愈工焚舟車數千里非無烜赫之觀而剝落剔蘚多
在殘碑斷碣之中縞紵徧寰區不乏投贈之交而送哀
推襟仍此蕙帶荷衣之侶馥可謂冷矣興可謂孤矣其
馥冷故其志隱不可以迫而取也其興孤故其品潔不
可曰狎而翫也事歸於可據理求其甚安想其耽思翫
訊時皆有矜慎之意存其中是真尋古作者之神而遺
其兒曰自成一家言者雖謂與治經同功可也謙曰小

言孰能爲之大也哉若夫倚聲三冊轉益多師水瑟雲
璫琅玕仙韻其爲淮海哲人何疑焉

道光二十一年辛丑八月世愚弟宋茂初拜手敘

小言集敘

二



道光二十一年辛丑八月世愚弟宋茂初拜手敘

題頭即此錄其公並而皆入餘編焉

將謂公之入也猶公夫治博三冊轉益多師水瑟雲

夫公才公望毓彥體自門風國香國華標器炳於宗慶
是以士章進對劉公之往烈未陵景猷蘊文頽門之崇
基斯構世之克秀州閭騰聲家督蟬燿映於絲綸鼎盛
集乎冕黻此第浮俗之所重而非令儀之所存也惟是
功先繩染傳德於一經理有稟階觀賢於七葉斯可以
不鐘鼎而榮藏名山而壽矣寬甫先生質韞圭璧貞表
松筠味道之腴汲古得綆以鴻黃窈邃之姿生蘊崇穹
邃之族經拜於庚子思心洞神讀辨夫已亥篇章光觀
遂復是正文字根柢之積務淡尚有典型擊悅之繡燕
奪然則鑿局疑曠音吐淹長殆饒饒焉落落焉其有風

小言集序

一

臆者也詣力所在微得言與抑亦有元造焉蓋其尊甫
后臞觀察暨哲兄伯申尚書俱以海內宗工負中朝頌
望敦紀羣之穆行號榮郁之經師降貴頤賢扶植亢鋸
之柄處紛隱素懷握記事之觚維時贏糧千百比於東
京學堂著錄萬人卽是汝南弟子而先生世業內殫友
聲外益羣色會而火藻麗眾音翕而韶護和受才小正
家老服其貞詳拓宇楚騷幄賓懾其絕豔其所以尊源
星宿取道巴峽者有自來矣或謂喬幹鸞翔不秀培塿
之土踰波颯運宜批誅蕩之門以先生台鉉右宗風檢
整貴使其承鹽梅之庭詰均臺閣之荆榮如安期之於

內史士瑤之於侍中允矣玉樹金昆克方壽則褰裳襲錦羣望悼心然而學述門業則白士之用尊芬紹禮堂則青箱之緒茂且也廣車不脇轍以通狹高節不削峻以從汙希聲不强鳴以求聞簡質不習華以同靡雖宦有登仙之援而恥丐光於宵燭雖交有彈冠之正而鄙附名於旄端鬱氣之下自流淇輝重輿之中必有積寶古所云崇勲懋績有闕於旂常素德清規足傳於汗簡者其庶幾見之與至於胚胎性情理融而後摛藻甄鑄忠孝志率而後委和言詠之道不墜宗風者焉若乃陵緬巖流疲精涉頓遷貿託於篇詠原澤暢其襟靈飛豪

小言集序

二

岱觀吐青霞之暈光回瀾尾閣澄碧海之灝氣凡蕪趙悲歌之地鄒魯文物之區莫不手剔殘碑吻張符采此則明月入抱寄真想而茫然白雲在天呼古人而欲出者也桐來游君子之鄉載識大家之範枯樹一賦謬荷獎談魯國四筵備極文譏乃者不薄芻言許贊茂製形穢自慙彌年未報屬有兩徵之期用竭蕙叩之論亦以爲衍詩禮之聞可竝一品會昌之集列文學之傳同居三事不朽之中聊志服誠醅懿或在是云若謂韓非且濫同於老子嚴武幸附見於杜編是則皇甫士安所言糠糞糅之彫胡庸夫衣錦不稱其服也泗州傅桐序

小言集序

或謂歌詠之事無關於學問豈其然哉屈辭而謂之經漢以來宗之蕭選而謂之學唐以來習之攷訂訓詁聲韻三者實於此二書有取焉古之爲樸學者未嘗以辭賤而小之也賢人失志懷惻隱之義言之悲而不背於雅意之篤而期從其翊感物造端材智深美雖登高能賤之選逸在布衣而述先正之清明悼流俗之紕繆陳一己之得失達哀樂之本衷志勤而業專言近而旨遠夫何暇競爲侈麗閎衍之觀以取悅於當世哉然非爲古之學者其孰能語於斯吾鄉王君寬甫夙承庭誥有

小言集序

一

著書之才不見知於時乃發爲篇章攄其蘊畜自名其集曰小言且欲貽後之好爲寒瘦者何言之謙也竊謂是集有合於學問之道者三端居廟民生之休戚行旅求郡國之利病則古稱先不逞私臆於以見攷訂之愼焉是正文字嚴於點畫嚮僻虛造者不涉於筆端一開卷而六書之旨粲然於以見訓詁之勤焉不歌而誦者和於聲寫之以聲者協於律樂府諸作可被管弦於以見聲韻之準焉若其遠抱亮節苦調義心傍離騷之文晰文選之理雖或鄰於韃溟澹澀之爲而於體格之峻潔無所損也其家傳也如彼其自得也如此信乎其爲

學人之辭而非近代修辭家所數數觀已余少好詞章
久之辭所歸每展斯編而能知其得力之故獨致夫拳
拳焉是爲序

道光二十八年二月朔夏玉延生寶晉拜撰

小言集序

儒生立言經濟學問爲可貴者不有補於當時必可傳於後世也詩詞已小矣譬諸深谷流泉形以江湖則狹平沙淺艸儕以松篁則微然以其頌盛美申諷勸有爲而作采風者或取資焉敬之質鈍學疎於箸述無能爲役僅從鄉先輩後教爲吟詠意至於畱連光景投贈友朋而止無與人閒臧否尤小言之小者宜無足存以其亦費神思秣歲月不忍焚棄嘗自加芟薙存者百一里間相知慇懃付棗梨遂有愛日堂詩虛室詩小書巢詩諸本茲年逾半百而所造未加於前自知無老去律細之望復取所宜軒詩錄其較可者十數紙并前棗彙爲

小言集敘

一

一帙名之曰小言集而以三十六湖渙唱附其後愛日堂詩少時居鄉所得虛室詩遷居揚州時所得而小書巢詩及所宜軒詩則復歸高郵寄居南門宅及北門宅所作昔人以一官爲一集敬之以一遷爲一冊其窮達榮悴相去爲何如而猶千金敝帚焉者一以誌雪鴻爪迹一以待後來好寒瘦語而不嫌近於嗜痂者之所許若以視笙歌院落鐙火樓臺五色天書九華春殿之句則又爲小言者所宜爽然自失者爾道光十一年歲在辛卯孟秋王敬之自敘

題辭

同里夏味堂

澹人

合讀兩編五律五絕自在超妙韵流絃外淡得王孟神
髓乃集中最上乘餘皆意新理愜莫非雅音洗盡麤浮
豔冶纖薄險怪各種惡習佻季必卓尔名家也各篇佳
句得於秋者居多足見操品高潔竊謂英季偉抱不妨
潤以春夏之氣剏川集蚤朝應制正不害其灑脫耳世
好鄙談未知當否

趙函 良甫

頃在白下蒙寄示大集擺脫凡近獨標真諦唐賢三昧

小言集題辭

一

不隊一鐙欽服欽服渙唱在草函竹山之閒與世之貌
襲姜張者迥別三復之餘敬慕不置附呈拙詩二紙不
足大雅一粲也

吳縣戈載

順卿

思結煙霄句清欠雪涉獵既富閱歷又淡薄俗浮靡之
習一掃而空此志士心聲也少陵云詩清近道要識子
用心苦又云示我百篇文詩家一櫻準可以移贈樂府
婉約空靈言順律協是以白石白雲共冶而鑄成者盍
誦數過欽佩無斁

寶應喬載絳

止巢

尊箸思淡韵古無一字輕下可謂惜墨如金樂府清空
姜張遺響也謹就鄙見所及略爲哀別希教之

蚶膠聳鐵榦戍削起秋山釣采徒時輩斯人老閉關南
風弭短櫂一卷破愁顏辛苦蠹言碎還勞大手刪

就質

時以拙吟

小言集題辭

二

愛日堂詩

弟一冊

高郵王敬之寬甫

蚤夏邨居

花事碧谿盡殘寒過麥天高林數點雨淡巷一聲蟬行
藥去忘倦枕書還蚤眠因知靜者妙塵慮待先捐

明史閣部墓

蝦蟆天子蟋蟀相東南半壁思偏安金陵王氣復銷歇
蟲沙四鎮餘江干史公未造此開府欲仗一木支艱難
勝地煙花掃兵虜孤臣戰骨空摧殘公之大節足千古
白日照耀丹心丹何必文山證前世始令曠代同悲酸
愛日堂詩

一

鼓鼙聲歇山邱在忠魂正氣歸衣冠衣冠不朽石碣短
土花凝碧愁荒寒我來憑弔讀遺翰獨爲俯仰生長歎
紅梅點點忽飛落猶疑誓師淚血臨風彈

月夕有懷

斜月荒邨夜秋花小徑香美人不可見顧影獨傷皇忽
忽歲華積悠悠江水長遙知相憶處惆悵此清光

瞻袞堂

宋高郵提舉董某爲張魏公作

魏國勤王遠視師何年駐節撫創痍兵燹南渡興亡恨
袞繡東征信宿詩淮甸遺民悲鼓角湖城屬吏拜旌旗
鉅公韓岳荒祠圯

高郵舊有紹興三鉅公祠祀岳忠武王韓蘄王及張魏公獨此空

堂去後思

讀秦太虛淮海集

應舉賢良對策年儒生壯節蚤籌邊可憐餘技成真賞
山抹微雲萬口傳

異代雌黃借退之偏拈芍藥女郎詩詩心花樣殊今古
尓有香奩知不知

罪狀搜求到佛書臺中白簡意何居汗牛著作今還在

一笑當時禁網疎

放翁軼事幻三生

事見四朝
聞見錄

南渡騷壇又擅名新法周

章和議起忤時一樣意難平

愛日堂詩

二

金陵旅夜

簾捲新涼夜遙情入倚樓西風一聲笛明月滿城秋鷗
夢江山碧蛩吟花草愁詞人六朝盡獨瀉濁醪甌

不適

丈夫意不適奇氣滿胸臆撫劍起四顧恨無奮飛翼昨
夜涼風來虛堂動秋色天末少音問歲序忽已逼懷抱
耿難言浩然空太息

秋晚感興

窮鄉寒信蚤一鴈叫黃昏野闊天如水林疎月到門關
河結秋思離恨入清尊誰起君平卜升沈與細論

山行

樵路歇微雨夕陽明遠山山根見邨落隔水閉柴關過
客迹無定野人居自閒生涯各有素休爲劇愁顏

留別

燕鶯泥融陌草薰別時春事正平分湖城爛漫花千樹
明日回看只暮雲

入洛曾無作賦才乍思懷刺意遲回憑君莫折離亭柳
留待歸人繫馬來

東阿縣

匹馬東阿弔古來叢祠荒冢久塵埃魚山梵唱聽無處
愛日堂詩

三

誰繼當年八斗才

獻縣

劫火銷沈文學空日華迷沒獻王宮于今惟有滹沱水
還送行人渡曉風

趙北口

瓦橋戰壘莫煙蒼彈指公孫霸業荒悵望蓼花漁艇外
水田一鷺立斜陽

涿州

失箸英雄亦千古山邨王氣賸樓桑莫年割據應遺恨
萬里無因歸故鄉

旅夜聞雁

尊酒銷長夜清愁埽未能荒城起哀角虛館坐寒鐙塞
上星初落天南雲幾層不堪聽嘹唳歸思更難勝
隨陽千里去何處一行低蘆荻秋花晚江湖舊路迷更
遙霜氣重夢破月痕西惆悵萍踪客天涯認爪泥

西齋寒夕

閉門落葉淡孤館坐荒僻鑪灰撥不溫霜氣凜遙夕斜
月下茆檐窗紙生虛白長天聞過鴈一聲破幽寂感此
歲方宴勞心不可釋

題王丈意園圖

愛日堂詩

四

木末樓臺花底人清姿瀟灑更無倫谿橋一片平蕪碧
二十年前漢水春

寫生意匠出新裁舊凭闌干首重回攜取楚山千疊綠
射陂歸去老詩才

芳園秋夕

孤吟長杜門養疴先謝客水邊秋欲來悄悄虛堂夕一
雨滋蘚紋蒼翠點松石涼月忽在山谿光滉晴碧坐惜
夫容老感歎年華擲

不寐有懷小山

幽人寂不寐用韋高閣坐閒敞落月澹相照虛白愜清

賞疎簾捲遙夜隔水延秋爽靜中風露香蕩花墮微響
美人東海頭耿耿勞結想欲寄尺素書阻修空悵惘

登樓

西風萬里來颯颯吹涼秋飄零未歸客扶病登高樓浮
雲望無際不見天盡頭但見獨鳥遠黯澹斜陽收男兒
墮地負奇氣卅年襪刺羞輕投便當屏迹向江海一肩
釣竹歸扁舟柰何隨俗爲俯仰久與局趣轅駒儻茫茫
百歲任萬變鼠肝蟲臂吾何求闌干倚徧秋衫冷落木
蕭條生莫愁得計唯有酒在手鐙下一尊還拍浮

寒夕

愛日堂詩

五

擁書坐遙夕鐙暗櫺聲起落月下空廊林影散窗紙
獨酌不成醉素心結遐想竹院悄無人殘雪墮清響

白門道中

山雨纔晴日漸長杏花邨店晚風香臺城城下鞭絲路
人比銜泥燕子忙

九曲清溪碧玉流記衝風雪放輕舟重來驢背斜陽裏
官柳長條繫客愁

清涼寺翠微亭晚眺

亭南
唐建

亭古凌雲出登臨穿上方羣峯來合沓落照與蒼茫駐
輦離宮沒繡經初地荒更終天水運花草幾年芳

山莊秋夜

迢迢良夜長寂寂羣籟定門前秋草多蟲聲引清聽落
月影闌干新涼入孤凭之子期不來空掃蒼苔徑

無寐

櫛聲聽無寐高館坐超忽涼秋湖上來夜氣怯病骨月
斜人影長星河澹將沒永懷東郡遙關山不可越悵望
碧天空臨風浩歌發

打魚謠

朝打魚巖湖頭莫打魚巖湖頭年年不怕風波惡今日
風波看却愁網疎水闊得魚少揚州市上價空好官府
愛日堂詩

六

例是催魚租誰歎漁人生計小賣魚買米無一飽

賣薪謠

野人賣薪曉入城半擔百錢買者爭今年入夏三尺雨
蘆洲沒盡湖波平窮檐乞米謀熟食一日一度炊煙生
束薪比桂勿爲怪歲莫還愁無桂賣君不見邨邨拆屋
償前債

廿四橋

谿邊小市枕清波倥偬風塵過客多一樣古今明月夜
玉人簫換牧兒歌

大儀

紹興南渡亦能軍諸將中原此舊勳戰鼓聲沈遺壘沒
晚風十里稼如雲

秦欄鎮宋包孝肅

拯祠

河清不見宰官身祠樹旗風雜市塵六百餘年留宦迹
後來循吏更何人

小店宋朱少卿

壽昌

故里

少卿純孝亦公才珂里何年甲第開我爲停車訪遺迹
道旁殘碣滿秋苔

愛日堂詩

七

高郵王敬之寬甫

金山寺

金碧中流夕照開
一帆遙指妙高臺
老僧蜕化坡仙去
誰證禪牀四大來

江山半壁支南渡
勝算擒王誤廟兵
猿鶴於今不知處
憑闌唯有怒潮生

玉山寺旅夜

獨上僧樓意寂寥
汀洲漁火望迢迢
不辭京口攜尊酒
來聽春江夜半潮

虛室詩

清夢連宵傷艣聲
又投禪界息浮生
馬蹄明日山光裡
芳草斜陽數去程

蘇州

虎阜春深綠樹遙
水邊鷗侶漫招邀
酒人慣認閒游路
踏徧芳塵斟酌橋

畫船簫鼓到來遲
繫傷垂楊短簿祠
爲報吳娃莫相顧
詞人憔悴鬢如絲

歸舟

寒山寺畔柳條風
細雨吹來響夜篷
最是夢回敲枕候
鄉心搖曳艣聲中

輕寒輕暝逐郵程吳苑鶯花耿別情那更笛聲翻短調
聽風聽水過江城

移家

卅載雲水鄉故轍守孤僻支祁昨相驚一夕成遷客舍
我負郭田扃我環堵宅琴書及妻子提攜何所適迢迢
竹西路舊著游春屐買鄰缺千萬彊寄幽人迹乍喜燕
巢新不恥蝸廬窄棲託卑易安爽塏非所擇

卜居近塵市閉門如山澗豈謂希大隱託身昔異今此
邦古多士願得夙所欽喧寂或相遠落落疎追尋還念
舊親串欲爲商與參亦有同門友無由事聯吟鷓鴣一
虛室詩

二

枝足所恨非故林忽憶太虛語重感離人心

驢背

風絮吳江岸停橈記舊游蕩花白門路驢背又新愁斜
日遠山莫一蟬邨樹秋相望慰相憶聊爲倚危樓

秦淮寓館

多病天涯落魄身負他桃葉住東鄰十年打槳青谿水
只有垂楊似故人

小住六朝山色裡酒杯清挹木犀香江城一夜蕭蕭雨
秋到僧樓枕上涼

谿上

花岸繫孤艇平橋引幽步不見垂綸客沙禽自來去
柴門谿上開終日對清泚斜陽鳴陣歸萍末鹵風起
葛衣坐涼夜踈碧散林樾隔水捲簾人長笛橫秋月
地僻人事遠清景逗詩思煙外一聲鐘不知何處寺

邨居秋興

埽后坐清曉場圃恣遙矚空天澄霽景飛鳥去相逐炊
煙出林翠初日照芾屋荒邨少人事解后多樵牧誰能
謝塵網長此抱幽獨

故人久不至寂寞掩柴荆臥病空堂客永懷他別情露
下荷氣涼池館含夕清高梧風葉動颯颯空階聲万古

虛室詩

三

此代謝誰與問枯榮載詠伯玉句悠悠念無生

天長明沃將軍墓

將軍諱田明山東武進士任浙江都指揮僉事
嘉靖中以倭警守備儀真移防天長殉倭難事
聞贈鎮遠將軍都督僉事世襲指揮使見隆慶
初巡按御史孫以仁重脩沃公祠記碑

天長長道春日融獨騎款段隨山僮鞭絲指點話陳迹
消沈戰鼓餘沙蟲倭奴煽亂溯嘉靖天南血染滄江紅
江城燧火接山縣老弱難策登陴功迎邊奔狼賴保障
二百載來思沃公沃公健兒万人敵荷戈意氣生長虹

眼底全無賊氛惡奮擊欲與摧枯同追奔勢更翦困獸
那知身在重圍中匹馬陷澤不得拔鞭刀畢命何恩恩
想其力盡援絕頃精竄猶繞張卷空茫茫異代史闕筆
徒令父老傳孤忠寒郊馬革裹屍處燐飛鬼哭愁青楓
荒墳三尺誰表識豐碑屹立荆榛叢讀碑再拜卽前路
城頭莫角吹悲風

過攝山有懷心農

戊辰七月旣望泊舟攝山棲霞寺忽憶戊午初
秋偕心農宿於寺之桃花澗僧舍殘夜酒醒落
月斜明嶺上竹樹倒影枕函縱橫如畫曉鐘遙
動山谷傳響攬衣徘徊一洗塵慮此景猶昨屈
指十年矣

虛室詩

四

短策疲驢到上方曾依禪榻駐輕裝月斜秋樹度清影
鐘定曉堂生妙香陳迹未忘三宿戀重游忽是十年強
不堪明發臺城路更被山僧笑客忙

酒仙生日歌

以頭濡墨成小顛半生落魄中聖賢解醒致祝不稱意
招攜酒徒祠酒仙酒仙之生生何年乃在太初鴻濛前
塵世誕降偶然耳不醒不醉其神全君不見太白當時
被謫落騎鯨忽復凌江天又不見法善狡狴弄幻化麴

生長揖來當筵真人游戲故不測姓名還託飲者傳仙
乎仙乎妙無比飲露吸風美且旨朝挹北斗杓莫釀河
瀦水可抵中山臥千日人間呼問岑夫子再拜奉觴爲
仙壽木犀香拂金波起願仙一口吸百川更億万世常
如此仙靈來去雲霞飛秋水蒼茫晚山紫

流民以船爲家無田可歸也

疾流淮甸導黃河聽遠宣房瓠子歌茅屋漂搖漁艇穩
生涯雁戶合滄波

涕淚全家寄短篷應愁鄭俠畫難工卓錫無地君休矣
身是當年足穀翁

虛室詩

五

曉行

月墮雞亂號殘睡戀不得車馬出茅店鎧火照行色万
古此長道勞勞未休息所趨況多岐康莊與荆棘去去
無歡愁前路雲沙黑

道中雜興

下邳古道繞平川圮上千年軼事傳黃石赤松都幻想
免教菹醢到神仙

東郡風沙第一程石橋茅店入陰平封侯舊業隨流水
空有輪蹄曉夜行

四圍山色碧嶙峋水驛風檣接泗濱漢代蘭陵多學地

我來不見說詩人

迢迢鄒嶧路彎環秦石孤桐不可攀十里麥天殘雨過
夕陽還在馬前山

南池

絕代詩人歿天涯此舊游空山頭戴笠遺象亦清愁過
客無今古浮名任去畱狂思招太白更上最高樓

聊城魯仲連射書臺

數語紛能解非徒蹈海名重圍支守將一矢下豎城木
葉凋秋氣河流急夜聲荒臺遲匹馬千載客心傾

張秋吳季子挂劍臺歌

虛室詩

六

世閒寶物可贈不可求誰重意氣輕吳鉤生死交期比
金石那惜三尺歸山邱季子友誼高千秋臺下風漪橫

晚渡臺上積陽澹秋樹挂劍人去何時來劍化龍飛不

知處水經別注徐君墓

水經濟水又東南過徐縣北酈注云徐城外有徐君墓昔延陵

季子解劍於此

一夜

一夜蕭蕭雨新涼枕上生壯懷經病減詩思入秋清泥
雪添陳迹煙波滯去程誰憐別離意不寐數長更

殘宵

殘宵月暗秋窗紙涼風吹夢桑乾水曉來別淚灑車塵

更理歸帆向鄉里鄉里蓬蒿無令名拔劍斫地傷中情
升沈有定不需卜況復今無嚴君平

已涼

客夢隨帆遠征塗物候移燕稀初社後棗熟已涼時秋
思雨中亂鄉書江上遲衿衣行欲換還未浣塵淄

題南池趙文敏畫杜少陵小象石刻拓本

麻鞵蹤迹鷗波畫石墨須眉故紙尋拾橡逐臣憂國淚
浣花遷客憶家心親匆匆朝右思遺疏弟妹天涯寄苦吟
獨有任城舊游地一池秋水照愁淡

魚臺道中

虛室詩

七

柔艣曳歸心西風颯清夕虛窗敞碧紗坐臥遙山色
岸轉見漁家斜暉照破網菰蒲一水長人語煙中響

舟次中秋

路入煙波詩思清征衣單惹嫵涼生五年客裏中秋月
一樣江湖獨夜情

泊宿遷

三宿岸邊沙歸心滯五兩返照入篷窗川光與澗瀨
客愁夜愈長支枕搔病髮野渡寂無人一犬吠殘月

紅橋秋泛

月觀風亭久劫灰還題舊榜小山隈爲憐花藥無今古

閒放瓜皮艇子來

茗杯乞取酒人醒
第五泉邊路幾經
望眼天長江一碧
前游別爲憶中冷

平山堂上山翠開
平山堂下夕陽積
卽今繫馬長條柳
誰更歐公去後栽

聽殘歌吹百花中
絕唱江都好夢空
隔水年年螢火亂
不知隋苑幾秋風

京口舟次

垂楊夾岸片帆輕
帆上西津夕照明
客思乍清涼意到
郵程十里亂蟬聲

虛室詩

八

雲樹南朝望眼勞
万重山翠入吟豪
何人橫笛秋江上
吹起西風捲暮濤

句曲道中

渡江就谿路雲水共
滉漾岩巒句曲山
樹杪得遙望夕嵐
蕩餘暉紫翠非一
狀林屋洞天在仙
蹤失尋訪沙渚舊
停舟臨流重惆悵
因羨居者閒隔岸
聞樵唱

斷夢

長夜酒易醒
斷夢香千里
空階落葉聲
江上西風起
所思在天涯
迢迢隔煙水
惆悵壁燈昏
斜月明窗紙

虛室對酒

肺病棄盃勺天地爲不寬舉酒易成醉終少平生歡霜
風颯今夕江上生清寒夢遠北平北愁思縈百端我友
勤慰勸爲言聊加餐重感勞人意搔首還長歎

弱冠弄柔翰

用左思句

從時意多違浮沈忽中歲故我還儒

衣琴絲恐未和敢謂知音稀鉛刀艱一割毋乃吾道非

羣情羨苟得窮士將安歸寥寥望太空六翻青雲飛

數畝南山下舊業種秫田今年秋無雨山邨斷炊煙二

頃巖湖上曾勞運租船一夕雷在竈水氣昏陌阡貧賤

固其分素志終無遷離騷讀還飲悉索行沽錢

晚眺城南樓

虛室詩

九

身世空牢落江山自古今登臨飛鳥上悵望夕陽沈垂
柳繫春思遠帆懸別心天風如解事吹夢朔雲淡

秋夜

好夢醒常易不關秋夜長荒城聽清柝月下空廊藥
物乘多病年華減舊狂如何望遠意偏警雁天霜

泰州松林庵古松

長天過雁喚霜曉客齋蕭瑟草木黃主人好游復好古
相邀松下來徜徉到門雙眼豁濃翠入坐靜覺旃檀香
老幹高不及尋丈孤根盤踞勢倔彊乍疑龍蛇未啟蟄
之而鱗甲寒尙僵又疑石骨露醜怪斑剝苔蘚黏青蒼

相傳樹已千百載約畧唐宋語不詳五季制置此立院

栽培或由吳讓皇

江南餘載讓皇在泰州賦詩有江南江北舊家鄉一律與正史云在潤州

異不則分土岳家壘鉅公手植同甘棠

高郵紹興三鉅公祠岳忠武其

也一紀載無徵故老盡欲稽人代都荒唐我嗟至正失綱

紀鹽徒草澤紛披猖夜中兵燹入城市變遷陵谷移滄

桑造物護持豈無意此松獨免池魚殃別有良材中梁

棟空山嘉蔭森千章丁丁樵斧條剪伐榮枯浮世吁何

常生材樗散亦厚幸歌成人意轉茫茫

泛舟紅橋至蜀岡

積雨曉忽晴人意相與爽水郭散遐矚招攜愜幽賞楊

虛室詩

十

柳臥殘綠菰蔣搖遠響天影空明中一鳥掠波往迢迢

川上懷悠悠絕塵想

漾舟入迴谿疎碧翳蘿葛邇池穿窅冥一折得空闊斜

曛下遠水波影混蘋末鐘磬起上方松嶺望截嶭安能

屏人事暫與寄瓶鉢

三朶

至今遺父老能說岳家軍故壘迷前代中原紀舊勳去

帆張片片寒葉下紛紛何處尋猿鶴晴煙似陣雲

邨夜

江湖仍汗漫草木又凋殘遲莫成搔髮窮愁入倚闌月

高人影細霜重雁聲寒望望長安遠中宵勞永歎

迴光寺明萬厯南京教坊司題名碑

廟堂初政宥官裁明詔南都簡不才

萬厯九年裁南京
宥官事見

欽定明史
神宗紀

名姓還畱俳長在游人閒與認秋苔

南朝金粉銷沈盡蕭寺誰來護舊題別有大功坊上字
劫灰飛後望全迷

青谿小姑祠今祀老郎神

子弟梨園戶祝時無郎誰識小姑祠祇今錯奏迎神曲
不讓荒唐杜十娘

惘惘

虛室詩

七

惘惘江干別何心折柳條愁悵都似夢去住兩無聊
殘照明歸艇西風送落潮市樓今夕酒壘塊可能消
日下知名士今如老大何天非憎命達世本患才多我
亦生華髮相期買綠蓑只虞滄海上此計復蹉跎

蚶蚞磯南唐宋齊邱沈汪台符處

定霸陳書事易灰禮賢作院枉憐才虛名實補非天意
悔否風波宦海來

名字交讖變老羞排擠毒手及清流九華幽死前勳盡
不抵滄江一醉休

欲莫

欲莫江聲起西風冷不禁天涯停櫂客酒畔倚樓心遠
浦歸雅細空林反照淡故鄉望無際誰與寄清吟

大儀

斷王壁壘尋無處過客單車路屈盤殘照歸雅荒寺晚
高風黃葉小邨寒戰功一振南朝弱和議終知北伐難
只合騎驢湖上去碧痕天水看偏安

濟南

汶流待晡記秋程馬足龍山換此行地接淄青餘霸業
經傳齊魯狂諸生塵沙未洗須脣沅鷗鷺先迎笠屐輕
最好安輿隨侍近小滄浪上載茶鎗

虞室詩

十一

尋秋消夏勝游頻我到纔逢祓禊辰嵐翠壓城千佛曉
歷山一名千佛山笙歌度水七橋春碧筒酒欠招涼侶黃竹箱
遲著句人却坐湖千憶江上綠荷初展柳初勻

波影篙聲日往回閒情懷古託溪杯孤臣百戰齊州破
名士千年海右來畫苑王孫秋色筆詞場幼婦艸窗才
於今指點都陳迹誰與苾苾問劫灰

五日東風四照樓海棠泝水碧於油

學使署四照樓前池上海棠一樹阮

芸臺先生爲刻

洪鐘一杵何年歇

署有鐘樓以精於宅經者言縣鐘不擊

石曰海棠泝

斷碣淡苔異代披

明烏鼠山人胡纘宗詩刻陷署東壁

嶽色馬前纔短策

河聲枕上又扁舟歸人此後天涯夢酌突泉邊認舊遊

莫歸可帆園

雁外涼天莫谿光望寂寥荒城依襍樹野寺引危橋人
影夕陽澹犬聲邨路遙柴門投倦足便似狎漁樵

悼亾

緣盡回頭十八年年華如夢夢如煙煙消夢破春宵冷
落月紗窗照不眠

短檠風燄閃長更爛嚼紅霞句不成無奈嬌癡小兒女
牀頭呼母夢中聲

蕙臺塵土楚江波帆影鞭聲歲月過客淚半生無一點
而今悔是別離多

虛室詩

十三

俸錢營奠應無分我試鉛刀望已空博得病妻增一痛
文窮局外哭秋風

丰姿默想若相親幻影丹青轉失真莫是畫工防我慟
止撫睂目不傳神

酸風苦雨送黃昏應有青菴繞墓門知否白楊蘿玉地
紙錢絮酒與招魂

夏秋之間淫雨害稼偶歸里門感賦

万竈無煙釜各縣陸沈愁歎又經年魚龍窟宅侵城市
箕畢光芒動水天歸客已成萍稷蹟流民何處稻梁田
百端對此茫茫集慰問親朋益惘然

攝山道中

歸計任僮僕客懷殊未閒
鐘疎花外寺日落馬前山
沙鳥遠疑沒水雲飛更還
攝生能且住何事損朱顏

雨中旅次友人索觀詩卷

荒城風雨滯行舟
澤國春寒似晚秋
無那落花天氣裡
又催詩思入清愁

壯懷漸減病魔深
一帙題看卅載心
今日江郎才欲盡
付君聽當候蟲吟

王家營

江城一臥養清羸
喚渡黃河五載遲
望眼乍舒平野闊
虛室詩

古

馬頭斜日照鞭絲

似是離家又似歸
雲邊親舍好相依
風塵不厭徐方遠
此路常經別夢飛

小住任城喜漁邨
釣甫過晤與游南池
太白酒樓

而別

別酒江城月底斟
欲將詩寄日邊吟
還因待牘郵籤緩
共此挑鐙夜漏深
客路親朋隨聚散
中年蹤跡判升沈
聊從杖策城南地
稍快登臨我輩心

李生杜老英靈在
孰問歡愁與醉醒
祠廟尙依池水碧
樓臺無復酒帘青
千秋人事殊今雨
一樣天涯滯客星

爲悵歸程正迢遞片帆斜照望津亭

秋齋風雨之夕酬心農寄詩并述遠懷

蟬聲昨才歇涼意早相侵淅瀝莫天雨淒清秋土心
圖書四壁古花木小庭深長此幽棲地拳拳懷好音

新詠詩筒貯傳來慰寂寥不辭謀小酒聊與度殘宵關

塞塵沙暗 京華夢寐遙別愁燈影裡風葉更蕭蕭

一宿

記泛秋波去又歸北風吹雪滿征衣病夫不耐寒侵骨
況是茅柴酒力微

水邊一宿亦天涯脚底層冰驛路賒彈指故園春有信

虛室詩

五

此行只合訪梅花

野泊

露筋祠畔路風雨滯人歸野岸寒濤壯遙邨夜火微親
用關短夢鷗鷺與忘機待曉晴湖上輕帆一葉飛

侍 大人游歷城靈臺山佛峪遂至禹登山龍洞

匹馬踏亂石籃輿侍安便遙指靈臺路言結名山緣古
寺叩般若谷鳥導我前一筇度危狎雙屐凌蒼烟孤亭

試憑眺呼吸通九天狂擬躡碧落長嘯招飛仙傑閣更
俯瞰迴臨百折川兩壁夾幽邃一泓靜渟淵萬古此淨

淥雲霞映澄鮮陰崖偃欲墮嵐翠生其巔青松翳疏影

歷歷當崖縣其下諸佛子坐契無言禪如何浪游客題
字紛磨鐫倦足覓小憩石鼎烹清泉甘冽沁心肺足令
世慮捐返景忽在眼鐘梵聲悠然扶將就禪榻共作山
中眠

明發向禹登龍洞淩崩劣引手捫星辰褰衣歷荆棘束
炬當然犀照耀破慘黑陰風毛髮森石氣肌骨逼放膽
入幽溪曲折赴偈仄稍闊得游行最隘或匍匐登降開
夷險向背生眩惑世界隔微茫疑隨羅刹國又如渾沌
初三光尙否塞我與恆河沙冥漠寄八極數轉得虛明
洞達見古色妙相列莊嚴模糊半皴蝕出險下危坡松
虛室詩

七

根坐休息却顧所歷高万仞削壁直來蹤不可尋一一
勞記憶歸去夢烟霞應更快匈奴

小書巢詩

第三冊

高郵王敬之寬甫

田家

秋高晨氣爽田家喜初晴桑麻擁蒨芡風露涵餘清獨
客此幽屏瓠落何所成遂思賣古劍買犢歸來耕耕作
豈不勞遣此物外情一矣天宇寬濁酒聊自傾

小書巢漫筆

杜門夕暉裡秋花弄清光娟潔如靜者無人自孤芳半
求忽剥啄乘興來褰裳握手坐三徑花下羅酒脍從容
及簡策議論互激昂野史汗牛馬文海何茫洋掌錄補
小書巢詩
一
缺畧亦若網在綱儒生藉譚助百城寄徜徉苟無塵事
擾足與時相忘聞君有異書一鳩夏攜將

興化鴻寄園僧舍

荻港灣環海縣開沙頭小泊試徘徊滄波四望天光動
疑踏金鼇背上來

殘磬聲中夕照沈歸雅隨客到秋林詩僧化去遺踐在

古僻移鐙與細吟

別業亭臺長綠蕪

園故明南都荆部尚書解公學龍別業

東林流禍送南

都茫茫煙水迷人代只有蘆花擁釣徒

蜉蝣天地原如寄開士應參解脫禪饒舌我還塗抹慣

雪泥鴻爪亦前緣

金陵襟興

旅情靜愜水窗虛恰似孤篷小繫初好是釣絲風定後
白蘋花外數游魚

一分涼意到庭柯連夜江城風雨多晴色小姑祠畔路
雙飛槩打夕陽波

刻燭分牋興不孤十季人海夢模黏祇今詩癖尋遺迹

忽似黃公舊酒壚

謂小山敬姚

城南老圃聚賓朋鋤月軒開面綠塍曠望酒邊涼露夕

浮圖鐙火上層層

小書巢詩

二

鍾梵聲中返照開清涼法界聳樓臺蓼花灘遠風帆小

一線江光入坐來

清涼寺小閣題江光一線

潮長谿流混浥夜天秋心參到木犀禪南雲北雁無消息

獨向虛廊枕月眠

齋居

幾番風雨後老屋有霜時新雁遠相喚故衫寒已知無
愁因得酒小病最宜詩瘦盡梧桐影荒園未一窺

無能

蓬蒿斥鷃忘飛騰飲啄於人隔愛憎好句樊川斷章取
清時有味是無能

拋梭錯後歇機絲
埒火吟成聽者悲
試向行家問宮錦
幾逢花樣不同時

封侯其柰數奇何
檢點金創老將多
莫訴平生非戰臯
千秋齒冷拔山歌

片鐵蕤賓躍已遲
錚錚細響扣無奇
大羅仙樂鈞天奏
豈協人間寡女絲

髻鬟一尺自時新
邨女難調粉黛勻
真面無鹽況奇醜
天生不是效顰人

漫疑吾道是耶非
恩未淡時怨亦希
欲繡平原愁不似
買絲畱補破儒衣

小書巢詩

三

誰誇人海著鞭先
塵裡輪蹄鐵欲穿
士不知名君莫矣
本無懷刺待三年

坐破團蒲悟未曾
大光明處待傳鐙
若求解脫先禪縛
不涉言詮是上乘

空堂

空堂夜覺長夢破
意惘惘寒雨滴漸稀
暗蟲咽還響西
風湖上來蕭瑟攪
林莽孤雲薊北遙
尺素勞結想支枕
久無寐鐙影靜書幌

南湖舟中

客路隨沙雁尋無爪迹
存夕陽明遠堞野水浸寒邨
策

已干時誤文誰卜夜論歸澳不相識聊共宿蘆根

小集願學齋時值黃梅盛開

花共人清絕不知霜月寒寒香醒殘酒詩思入憑闌別
久歡情古交親禮數寬無忘隔年約重折一枝看

旅思

倥偬風塵只自憐慣尋舊約駐吟鞭鐙前廿載江南夢
獨倚僧樓一惘然

身世空餘酒病侵鬢絲禪榻感秋心青谿三尺寒潮水
未似清愁此夕滾

水來謠

小書集詩

四

水來如寇至比戶同一驚一日湖田沒二日湖隄平二
日鼓飛濤岌岌搖孤城城門白晝閉濤聲襍嘒聲水去
如病減更生匪朝夕五日樹見梢十日屋露脊一月人
迹通兩月人煙白邨頭涸荒波次第記寸尺水來水去
年復年不導小沒徒防川去時玩寇來諱疾但見羣議
相拘牽窮檐習聞

發振帑生計不別籌安全扶持父老讀

恩詔乃欲長恃逋租蠲嗚呼乃欲長恃逋租蠲

花朝文游臺小集

煠風二月吹芳塵平分一半淮南春香泥社蕤定巢蚤

裊腰綠長晴湖濱城東逐伴拗花去屐齒石燈登嶙峋
最高頂上夕曛裡朱朱白白相鮮新羣賢賓主醉吟地
記載欲考都沈湮龍眠圖畫石亦泐須睂生氣當時珍
風流歇絕七百載心香遙爇誰持循唯見荒臺煙樹外
季季好鳥嘯佳辰坐中詩酒更陶寫柔翰一灑杯干巡
不畏清狂驚俗耳醜女聊效西施噴雪泥去住等今古
起踏碧月攜歸人高秋還插滿頭菊螿螿來共持輪囷

秋思

朔風吹雁來衝寒帶邊霜稻梁豈足謀意未忘翱翔賤
子久居此秋思縈中腸起舞鐙下影忽復懷遠方君子
怨于役豈不重故鄉故鄉令人老四顧心翦皇

小書巢詩

五

秋寺感懷

萬瓦新寒一夜霜蕭蕭風葉小樓荒窮秋心眼愁無極
法界人天說自長幾輩道師虛面壁矣他選佛漫登場
諮禪舊侶今零落米汁誰同舉十觴

北游道中襍詩

王家營

小別揚州芍藥春麥風吹送馬蹏塵便應不隔夔南夢
侵曉黃河得渡人

奠溝

細數南轅六載賒僕夫知我慣天涯者回指點魚溝路
記取邨邨苜蓿花

順河集

征驂宿預傍津關漸覺塵沙換舊顏例是鐙宵詰店裡
商量鞭影向湖山

舊以取道沂州爲山路取道兗州
爲湖路皆以宿順河集之夕渡之

鄒縣

驛路晴嵐斷續閒叢祠古堞映孱顏行囊恨少元章筆
濃醮松煙寫繹山

東阿縣

笠影斜陽度蹇驢茶寮小憩意徐徐邛徠叱馭何人慣
小書巢詩

六

只我常思下澤車

銅城驛

午日炎歊古驛中土牆頭亞石榴紅飛塵吹得須眉流
不是年時細葛風

苦水鋪

行盡三齊未解驂旅懷休唱望江南尋常挹注軍持水
但近勞薪自不甘

趙北口

放眼瀛鄉入畫圖平橋十二跨菰蒲勝游忽似蘇隄路
界破晴光裡外湖

朝饑

朝饑求一箸至味易爲飽午倦就一枕神清夢亦好處苟異轍閉戶忽遠道遠日苦短眠食各艸艸况復多岐路憂思令人老俯視在川鱗游泳樂蘋藻仰睇高飛翼搏風太虛表

任城放舟南下

千里鞭絲倦任城訪舊游歸心與落葉昨夜向東流人海十二年山程閒水驛月夕買金波重來酹太白篷窗暎霜日書策閒自攜却欠蘭亭跋王孫待插題津鼓下魯橋碧流匯汶泗小立枕樓風遙山出寒翠

小書巢詩

七

櫂外湖煙起歸鴉掠煙去紅樹一邨遙斜陽最多處五兩颭鹵風移入蘆花冷小汊露渙家當門曬笞笮枯荷倒荒波嶰籟排作陣一行乾雪來鷺羽天際認風雨曉來寒水宿斷塵想篷滴聽漸稀只攪菰蒲響河聲如吼夜倒牽百丈行蜀江誰畫我出峽一舟輕出插曳柔艣霜曉望黃林歸程無十日殘菊尙堪尋

註入江南省界

題雪蕉雙鶴卷子

空山鶴夢醒雪徑寂無人寫生入搖落意勝筆有神冬心淡捲春綠殘墨遙深南天胎禽雲海歸認互寒應

訝今年

披圖如讀摩詰詩相識千歲隴仙姿喚伊爲我守清冷
暗香別畫孤山枝

善因寺有憶詩僧悟開

重訪松關野水濱茗華黃亞雨餘新茶瓜禪味還清供
不見當時已上人

未嫌解脫悟來遲轉語先歸半偈持今日雲煙銷梵夾
爭將續向九僧詩

小梅寄贈黃梅一枝而繫以詩有素心不改之句

黃梅依處士高潔愜幽抱最後發孤芳冰雪經已飽一
小書巢詩

八

枝共詩寄似訾春華蚤供養見冬心貞吉以爲寶

題陋軒詩後

字字吟愁不易安歐心語亦久難刊便應宗派傳東野
與助秋風海上寒

名姓南施壓陋軒布衣自有一家言白頭江上逢青眼

珍重斜陽慰櫟園

用卷中答櫟
下先生詩意

孤冷還滋晚節疑阮亭載筆具微辭

語詳分
廿餘話

忪中歇翻道雕蟲悔少時

高鄧王敬之寬甫

客夢

道光甲申十一月十二日淮堰潰決淮流奔注

山陽寶應高鄧諸邑余出走揚州旅次作

今宵安枕臥客夢柰愁悵涕淚仍孤艇風波似故鄉覺
聞霜櫂遠起對月庭方待曉忍寒坐望遙書數行

寓齋感興寄里人

黑劫罡風埽子遺降殃蚤已見著龜平居只矣吹齋謬
禍迫纔知曲突遲苦海添波爲精衛靈山舊鎖自支祁
所宜軒詩

冰澌淮甸殘宵聽聽似流民野哭悲

共載應占鬼一車貪天坐待及淪胥先機不悟摧萌孽
下策于今仗補苴病幸蘇宜求艾急圍如解莫守陴疏
從來歛歆徒憂切欲獻芻蕘願已虛

筆記友生說

疏鑿功期全力俱導河旁注策飛芻津門不隔南天望

臺海連檣憶轉輸

往歲臺灣運米
天津極稱利便

擬從漳水溯崑崙崑嶺于今禹蹟存藉箸變通需達識

隱憂欲起古人論

引河入衛元史紀事本末引
江良材之議衛河匯漳水

漫興寄友人

幾輩湖鄉紀去程，艣聲颿影轉荒城。爭從舊夢關山月，牽引輪蹄水國行。

高郵水鄉不通輟蹟自運河流涸鈴聲街市曉夜郎當

一月風檣阻未通，西江百貨集淮東。

江西糧艘附載貨物以不得達河北

於江淮閒賤售蓋藏不信災區乏，小市錢刀闕日中。

臂痛

曲肱眠失一宵安，刺骨秋風廿載寒。從此聽人誇射虎，六鈞弓已再彎難。

勇蟲車轍擬支持，未到灰心縮手時。努力昨從閒處奮，尙能勝是釣竿絲。

九日泛舟至文游臺

所宜軒詩

二

一艇破谿煙結伴，訪幽僻冷然荻萼風。隨我登臨屐小，謫緬羣賢先後寄。山澤寂寞七百季，此臺無此客惟餘。老坡語佳節莫虛，擲末學躡芳蹤亦有文字癖。鬢櫪攜麴生，譚矣罄香核鐘磬起。下方雅外涼天夕，老僧訂後游待踏秋月白。

晚翠軒分詠得酒狂

丈夫經世書讀番，古今万變羅襪袞。立志關畧非陋儒，時情齟齬豈足惱。拋書咄咄仰天語，奇气和雲在晴昊。世人目作醒而狂，况復芳尊夜傾倒。我無五萼之馬千，金裘唯有百錢掛杖頭。不敦誑妻致祝矜，名流不屑肩

壚對飲同三騶霜風落葉屐齒窮蒼荒齋訪秋土泥
鑪無炭坐無氈歡伯攜來水邊市一杯入手雙眉申骭
髀七尺殊自喜所學何事用有時五蠢應需雪苒聒吾
輩類非蓬蒿人貴骨千金由隗始典酣眼界小六合門
外碌碌無餘子狂歌不計惱比鄰狂談那顧驚俗耳起
披明鏡照功名倚劒看天吾老矣君不見銷金帳喚良
宵清淺斟低唱和竽笙又不見官醞三升給待詔老瞿
學士羈宦情嗚呼賢豪未遇易慷慨羶臙加身意气平
意气平嗤狂生

東坡生日願學齋分擬蘇詩得飲酒四首

所立軒詩

三

今古幾是非匈次太了了大賢憂世變後樂日常少聊
讀屈子書一尊與傾倒俯仰醉鄉天作達悔不蚤

傳來雙鯉奠申戒請止酒十日屏罍壘若歷百季久行
當背苒約拜書復良友公未知其趣願奉觴爲壽

釀春蒼太和杯中小天地愁來始與消義恐落弟一試
證米汁佛無愁亦無醉欲續酒德頌文字非其至

中季役昏宦塵俗生其閒陶鑿百不營得計唯癡頑邨
醪卽流霞豈必海上山但使妙理具酒盡還怡顏

揚州旅次風雪之夕

沒屐春泥歸未能餘寒客舍晚來增居人一樣愁風雪

別爲鼇山土地鑑二月二日居人例張
鑑祀社公名土地鑑

半百

半百流光付濁醪支持貧病幸能豪衰顏不怕青銅照
十五季壽已二毛

舊業傳書尚滿家未愁誤本讀麻沙於今後學墜時過
十駕空期馬力加

好奇少壯廣宜荒競線原無埽後長一種鉗錘筮本分
些些口業待評量

塵土東轡漫識韓才名晚達料應難阿誰烈士心還壯
不薄鮎魚上竹竿

所宜軒詩

四

可颿園襍興

百道飛泉下碧巖山農木柄歇長鑱漲痕未落邨如島

大雨起較山田彌望浩渺若濱江湖不獨孤亭是可颿園舊有水亭署可颿

捲簾白水欲連天一鷺迢迢去宵焚我共懶雲簷下宿

經旬不上寺門船園東護城寺橋下有小艇可達城市既解通謁並省喚渡

蒼天住久矣醯雞故里音書望眼迷歸計還遲藉船帖

一家似占瀆東西

言鯖聽遠故人疏破寂唯資壓架書糧可饋貧非腹負

儉季一矣慰窮居

漸忘肉味似僧家地僻錢刀省畫叉卻讓坡仙饒食料

謫居猶得侶魚鰕

張水濱廣澳即罾網日張而無所得

一箸經營得飽嘗
季時菜把直尋常
窮鄉三韭供非易
徹骨貧今過庾郎

鄙吝中季執漸工
攜來鹽豉在屏風
何人蒸爛壺盧項

特爲賓筵薦味豐

比鄰無近局之招

半醉能謀也破齋
莫嫌近社壓茅柴
百萼開食揚州市
只是苜游挂別懷

半破柴扉也要扃
土垣低築課畦丁
垣中不礙遙情徑
坐見南山枕水青

文筆如船上急灘
集成逆旅白應難
歸牛夕照詩材足
所立軒詩

五

稱好三家邨長官

畬雨窗

平生經世學展布
需及番苟虛遇合
期著述事已小況
復月露詞詞客偶
鴻爪万口縱膾炙
所補幾忽秒鏗勝
長寂寂身名俱腐
艸好事翼有人考
鏡據梨棗雨窗今
清才識卓思議表
鄙言不挂匈高潔
風霜曉剗刷富傳
文窮季竭搜討欲
使山邱中苜哲慰
潦倒作歌昨緘寄
更悲詩人老歐心
誰破囊酸鼻誰贖
稟全篇擇九雅截
金斷句寶但教怨
不怒寒瘕任郊島
卻謝罵鬼書聽恐
色爲愀此意重表
微近代久茫渺何
圖厲薄俗敦篤申

吾道賤子百無能漫吟亦釘鉸謬許與參訂寓目欠明
了若以質苒哲不顧臂應掉歡愉詞難工愁苦言易好
請再伏讀之雞跖數千飽

邨居遣悶

倚劍雄心未老灰三家邨裏稱凡才寓公昨泛孤篷到
野鳥疑專一壑來小病窮秋添白髮羈愁積雨長青苔
破除万事需酣醉儉歲偏慳麩粢材

記田父語

西邨行藥去路比舊經筌田水聲多處相逢唯歎嗟九
秋閒杵臼八口仰奠蝦請看波光裏偏開雨久蓂

所宜軒詩

六

岡田聊社酒

山農謂田至高處爲岡田

稻把亦無多搜索供租稅其

如卒歲何平生歷饑饉悉數涕滂沱我爲悵然返閉門

聽權歌

牽牛謠

起蛟雨驟濤飛雪上游人牛無遺孽下游隄破橋梁折
水邨破屋秋風搖蕪米無艸憂心燒牛腹飢比人尤枵
痛哭賣牛入城去路四五里二三渡橫目索錢要津據
不聽接括牛敢苒城中路眞如登天城中牛肉斤十錢

苦雨謠

朝望雨止莫望雨止雨不止東邨西邨稻生耳農丈人

愁歎起

雨多稻什稻穗波中搖打稻場上泥沒斡鎌刀霍霍磨
在要鎌刀在要心肝焦

圍田低水漂屋乞會高田半瓢薄粥眼見高田未收一
粒粟低田高田齊聲哭

飢人飢人哭莫哀邨頭里正傳語來文書朱墨昨日忙
衙齋老吏察例勘不成裁

偶出

名紙投都省衰遲嬾更加偶拖苔兩屐欲忘路三叉孤
權隨鷗鳥荒城轉荻萼漲痕消尚淺東望一長嗟

所立軒詩

丙戌九日湖鄉舟次

陳跡高臺憶屢綦九日文游臺攜酒登高里中舊俗載秋歸又鞠萼時

試將例罷題鯨筆偕寫山陰曲水詞

煙月湖城昨夢通今宵鴉口尚孤篷鴨口地名見宋史韓世忠傳今名了

溝捲來鵝樣濤頭白不似尋常落帽風

阻風

路非茗雪效浮家下碇秋灘占雁沙多謝天涯慰窮士

漁郎相喚隔蘆簪

未愁蜀道上青天只滯歸程水月邊事到力爭成一笑

誰聯百丈逆風牽

蓬窗無酒敵愁濃
醒枕頻聽水寺鐘
蹤跡半生都鷓退
那關五角六張逢

木葉飛邊五兩輕
經旬水宿積羈情
小詩裁作青詞祝
要似分風浦上行

酒海歌

玉篇盃呼改切器盛酒高郵酒肆器上大書海字蓋聲近而譌

酒泉何季初濫觴
西來金波注汪洋
幾派分漑愁人腸
學海至海爲醉鄉
蓬萊隱約膏騰望
應有糟邱築其旁
樓臺屨氣見忽藏
欲認旗亭傾奚囊
興酣落筆小八荒
瀉匈万里澆角苾
百川一吸鯨鯨長
五經三雅那足量
千劫後更地維張
潮枯汐涸塵復揚
我酌餘瀝當天豚
所宜軒詩

八

浩瀚還漫桑田桑

過山市有感

相國功名湖未遙
青山蕪骨易蕭條
祠堂圯盡龜趺在
舊立豐碑什作橋
茅屋於今聚族居
僅存遺象失遺書
降爲阜隸趨公府
可勝山中老荷鉏

疥癖詩天長智珠寺作

憶辛巳冬初涿州旅舍楹閒黏紙大書以告過

客以爲牆粉新巧請勿題句如有佳作何不寶

藏云云吾輩客途循牆繞柱大約苦海中語所

見爲多無怪市人厭惡余畱題法界未識堪呈
佛否碧紗紅袖兩無望於將來泥雪重尋便迷
爪蹟不過樹老無萼例耳任其漫滅亦復不挂
一絲爲下轉語更增饒舌

風鴉疥髻鐙宵客曾是天涯閣筆人三日耳聾經棒喝
於今文字復關身
開士如知賞漫題不愁分付一杓泥墨萼畱到積垣日
佛性何從驗闡提

曉行

宿醒醒驢背林黑望朝曦一犬吠寒霧知有山坳邨
所宜軒詩

九

霜濃石橋滑思得筇杖拄小憩雪屋邊炊爐上一縷
帽氈低壓眉還嫌曉風尖卻話蕪山道馬上冰生髻
叢祠隔凍浦宿鳥紛已散城中睡正濃銅鑪先熾炭

書雨窗紀夢詩後

商聲上邊流雲結悽響下叫九原徹試彈素琴絲應
試吹中管竹可裂性眞語豈論王拙一字一珠一粒皿
此夢勿向悠悠世人說

效東坡作饋歲別歲守歲詩

水鄉幸有秋土物出獲播持贈亦區區酬畝慳易破去
季淮流漲比戶歷軼軻屠蘇望不至人情足驗左書生

生計拙欲賣無酢馱乞食更糊民炊燼斷土銜今奉問
遺復吾但送詩課明季期大熟半酒藉相賀
風雪急莫景正復思一卮執友篤古歡折柬招先施上
申長相憶下約攜筇枝循環見眞意應最憐吾衰聚首
世情外冬心堅不移少季去難挽挽得亦何爲惟有恣
酣適較與疏狂宜長此共飲餞聊償輕別離

光陰不相待繫日願徒奢坐守亦何裨齒冷作計差少
壯起事業遠大期無涯程功未老肯忽已歲月加鹿鹿
幻夢中閱世漸可噬夙管多負負來日還紛拏兒童望
新得如艸催芳芽爲述古人句努力慶春華

所宜軒詩

十

三月三日高唐旅舍題壁

踏青水郭季時路應落花桃一片霞北地未知春欲晚
可憐芳意在梨華

黃塵不見碧淮流行旅誰來禱事脩一事山陰讓齊石
昏鐙蒞店四弦愁

東阿銅城驛北新立古倉頡墓道碣

鬼哭而今靜不聞一坏旣掩說紛紛竹書還出安釐冢
地下休脩後起文

後身疑信陽冰語李陽冰自謂蒼頡後身見宣和書譜千載松楸并不春

當日幾番銘退筆欠他諛此墓中人

冬初塵俗稍稀拈筆成二韻句

秋來塵事百紛拏，急景都如赴壑蛇。
檢點冬衣又小雪，欠他冷句送黃萼。

曉鏡還添兩鬢絲，遂游五嶽是何時。
一分閒趣新恢復，幾窠重披落葉詞。

富友生論詩詩

門戶詩名裂眼爭，忌辛非素欠持平。
金丹凡骨何季換，所望時賢表正聲。

掃除牙慧詫新鮮，繡譜鴛鴦竊取先。
請看騷壇嚴偽體，竟陵亦自有鐙傳。

所宜軒詩

十一

抗心希古葛天民，得力文章論轉新。
近人或謂淵明人以詩傳陸放翁詩

卻是文章盡得力，滿把黃萼真晚節。
至今知有呂衡州，千秋不料冠詞人。

試棄雕蟲網舊聞，大儒箸作有清芬。
滇南谷西阿給諫輯大儒詩鈔當

時月且評難定君，實人材只九分。

冬暝小齋饒有寒萼

芳訊偏通搖落時，亞闌來續傲霜姿。
孤根得氣關天意，

雪虐風警爲尔遲。

疏枝凍蕊畫霜庭，相映松篁屋角青。
簪鬢絲應稱好，

解嘲蒲柳望秋零。

寫照冬心特地開，更延晚節要根培。
寒香肯讓春萼豔，

贏得撥香甍不來

謝他慰我冷吟身臘酒澆將日幾巡斗室折枝還供養
銅瓶不了四時春

分詠詩事得二十八字媒見王直方詩話及續本

事詩

原詩白藕作萼風已秋不堪殘睡更回頭晚雲帶雨歸飛急去作西窗一夜愁

詩傳莊語風情減四十賢人一字師爭似碧流紅葉外
數行縑素蹇脩辭

墨痕不帶口脂香怨雨愁風水一方俊賞吾思問聊復
可無佳製與催妝

閨中社友助清哦儻錄矣鯖句不磨只是睡殘防瘦損
所宜軒詩

七

婦眉才子得秋多

店壁詞題泥絮身三生緣合亦懷春

有妓題於楊裊裊映荷汀眼兒媚詞

於店壁一公車士賞之展轉覓得其人納爲小星事見槐西雜志 薄萼開落鴛鴦水不
比長條絆得人

城北池館佳處銷夏竟日

冠蓋稀邊笠屐來想他萼木稱心栽盛衰今古尋常事
消得樓臺要雅才

粉壁吟牋欠撚髭蓮萼開落幾方池清涼世界閒心領
卻是當時不得知

一柳居小集

盡話歡愁付夜航酒裏塵夢更評量姓名著亦關時數
服會方難駐老蒼落葉樓臺拈句冷餘萼瓶盎得秋長
眼肯陶寫聊酣適結願名山那易償

題記江都詩人朱老匏

見

小象石刻拓本

老匏墓在揚州城北上方寺側有某孝廉於鐵
佛寺葺橋石得高鄧宋默夫爲作石碣復偕諸
詩人訪得其墓而以碣歸之沈鳧邨先生爲作
記與詩并諸題詠彙爲一冊而冠老匏詩墨於
葺此嘉慶壬戌季事也近又有鐫老匏小象者
并鐫蔡汪二君題象之作於石背余購得拓本

所宜軒詩

三

呈鳧邨先生先生謂宜增裝冊後兼命題記

墓田禪智葛天民陳蹟興懷有宿因一爲臥秋吟故紙

老匏著有
臥秋詩集

柳條從此不應春

詩墨詠
春柳

橋頭隸古剔蒼苔舊署詩名認可哀宰樹寒煙歸片石
勝他萼表鶴飛來

好事重鐫第二碑題詞遺象嶸新披有無鬼唱秋墳底
只讓於今鐵佛知

後从能歸詩老骨兒孫貧到紙錢無碑陰恨少題餘地
難補須眉宋默夫

裕園納涼值池荷盛開

笑姑葉幾爛西灣二十季來一叩關老眼看萼萼不老
似曾相識水雲還

四照樓葺十頃香七橋笛舫小滄浪

謂濟南舊游

碧筩魯酒

渾嫌薄別吸荷心此夕涼

舊夢揚州逃暑天萼爲四薛住詩船當時俊賞清涼界

不羨尋常鶴背仙

可颿亭陟菱萼岸

先文肅別業在天長故潘氏可颿園也中有可颿亭

也有衣紅

相閒開一爲臨風水西望數颿樓外夕陽來

裕園小樓顏曰數颿

自寬

鷓退常季得自寬虛糜菽粟腐儒餐檢書莫更思匡謬

所空軒詩

十四

閣筆誰還貴苟難蟲外吟愁鐙暈黯桐陰臥疾雨聲寒
心神今復疲無用聊把搯筇抵踞鞍

小病初痊漫筆

病起衰顏羞鏡影小坐聊師靜者靜梧桐葉蒼風韻清
蟋蟀砌暗苔光冷餘錢供藥間畫叉破扇搖燠起茶鼎
壯裏老付水東流除和秋吟百可省

自題嘉慶己卯歲所作秋江放艇圖

十季荷面瘦如此十季後髮半白矣已信骨相無貴時
況好詩篇有窮理敦古行諒今未能隨俗進止素所恥
永宐放浪山水閒免被譙訶妄男子

枕善居漫興

万事生平六鷁飛，憶投行卷本來稀。
煙豪自寫秋風恨，把示唐衢計亦非。

秀才止喜署三紅，位置端宜黜籍中。
老值相知不相識，作糜還擬送文窮。

苦心字句齧空螯，贏得愁根雪鬢搔。
故紙誰標上金集，紫磨知不抵鉛刀。

獨醒襟志蘇東坡謂謝民師文如上
等紫磨黃金謝氏因摘坡公語稱上

金集

披括殘編挂齒牙，蠶絲盡後入纜車。
時與兩窗搜
葦邑人遺詩視今

視谷憐同癖，未要騷壇重選家。

所宜軒詩

五

軒葇艸木襍詠

語帶梅酸儘歎歌，南枝忽付析薪柯。
聞孫元是窮詩客

冰雪今無玉照多

英英玉照稱聞孫素伯長贈張玉
田詩窮詩客楊誠齋贊張功父語

日下湖干兩寓居，壽藤濃蔭碧相如。
京邸有壽
藤書屋我無醉

素頭張筆叅蔓，偏來學艸書。

平時芍藥贈頻頻，婪尾偏慳酒畔春。
颿影鞭聲去來慣，將離名字免愁人。

孤根蒼秀讓松喬，百說披來破寂寥。

宋李季可有
松窗百說碧葉

茗萼忽依附，柰他人意不凌霄。

詩茗萼今
名凌霄萼

窗葇幸免居蕪竹，芟後鳴秋有二分。
不怕貪饕心咒筍

挑鞭晚釘可論斤

抱瓮之餘百放慵移藝得似故人逢
所宜軒外宜秋事
石印鐫思署鞠農

白榆老似柳腔空鸚鵡季季有夢通

孔氏談苑永叔夢為鸚鵡聞榆莢香

筌好夕陽微動處秋紅薜荔惹西風

天桃短短漸成林郭外移根苔底岑為是春藝穠不稱
冬青別寫歲寒心

刪改舊詩附筆

不負秋鐙夜閣光蝨蟲編圖乙費評量從來少作歸溪悔

失天當時許擅場

所宜軒詩

六

醉後忙邊佳語少棗梨貴省就刪時嗜痴他日誰相賞
好事偏接集外詩

劫外

劫外餘生淚時從驚定揮天非偏厄運人已慣危機水
近奩龍逼倉空鼠雀稀活民書幾卷補救亦云微

哭小梅

十季貧与病交攻万斛量愁困此翁自減過从無世味
但工筆墨是天窮屨提了悟諸緣外宜楸迷離百幻中
淒幽冷雨掬淚到玉梅還動雪檐風

臨澤舟中作

夕曷放艇清淮東蓼岸上水牽谿風長季髮禿老而慵
火伴誚賚聽若聾太息所欠操舟工少時筋力非惰農
腴田二頃湖波中租船管收秔稻豐八載播種頻告凶
支飢拄寒心血空改業覓飽今勉從百丈在背愁在匈
愁匈催我增龍鍾豈能久作舟人傭此生不夢豐季逢
他生莫佗多田翁

孫莘老秦少游爲文游臺四賢之二此外尙哲多

堪景行里中人士歌詠者稀癸巳小重陽日偕

友生登臺懷古歸而綴以小詩

宋寶文閣待制孫公傳師

覽

所宜軒詩

七

古戍葦蘆舊策勳事詳宋史本傳龍圖武畧靖邊氛此才合壓

經師上胡援別弟子老成者爲經社莘老甫冠居其閒見宋史莘老本傳仰止於今轉

不聞

宋中書舍人孫公君孚

升

夜春秋穫自季季負郭今無二頃田用坡公過高郵詩寄孫君孚詩意

宦汀州泥爪印幸存談圃說郭編

宋仁和主簿秦公少章觀處士秦公少儀觀

孔鸞枳棘論官材用少游送少章詩語意處士詩名擅雅裁落得

蘇門逢魯直表他筆敵万人山谷道人贈少儀詩秦氏多英俊少游眉最白

頗聞鴻雁行

筆皆万人敵

宋淮南西路安撫司參議陳公唐卿

造

西湖詩債了無多

唐卿授浙東安撫參議曰吾了西湖詩債足矣見元中屠駟淮南夫子陳

公墓不遇歐蘇奈命何

范致能謂唐卿倘遇歐蘇何日名不在少游下亦見墓銘

汗青供劫火可憐紙貴未消磨

文集頃有京師購得高郵已無此版矣

權邨鞠萼開時小集戲仿九言體

尋秋湖上尋到秋多處左手持醵右手酒醴注黃萼疏
落相對狂生狂待我酬以郊島寒瘦句我思老圃晚節
管所傳竟作柴桑五柳供企慕無敢綺羅鉛粉語贈之
毛嬙西子那記鍾會賤根芟幸生典午後千季豔名磨
滅高名驥尾附改呼神仙眷屬殊亦佳豈獨春風桃李
所宜軒詩

支

要調護籬頭幾本冷秀霜月中素娥青女与鬪嬋娟屢
屏帷福更位置瓊斗宜堪抵蘆簾紙閣共朝莫孤山香
雪結伴妻梅翁白髮萼叢各鍊朱顏駐醉持殘酒酌萼
萼莫嗔萼如有知應喜陳言去

述菱塘老農語

降菽誰善天心測旱太甚又雨無極秧田龜兆圩九夏
隴麥秋陰種不得寒波才減數尺痕再生春水還到門
回頭指點打魚處五季荷是三家邨

廣州光孝寺南漢大寶十季千佛鐵瑯銘拓本

紅雲宴敞南海隅雙雙大體隨媚緒無礙會證歡喜佛

設筵還復崇浮屠興王供饗空王亟烏金鑄煇煩洪鑪
大寶丁卯乾惠節慶讚筆記張大書四恩三有祝壽福
万方八表來貢諛是時蕭閒自署久國事已敷於澄樞
大梁布衣執挺去至今塋景凌雲孤玉清宮使女弟子
忝此四歲成金塗先孝寺別有金塗塋銘文玉清宮使
龔澄樞同女弟子鄧氏呂大寶六季
五月十七日鑄造 天使輔太子皇帝僧徒想見皆樊胡主臣一
例屬庸安足令論古爲軒渠千秋史冊別鐫刻字與不
敷金剛俱一記刀山及劒樹一記白馬及素車

所宜軒詩

九

高鄧王敬之寬甫

題高鄧耆舊詩存初冊後寄雨窻

千秋學海要津梁餘事詩人未妨畱得巒湖明月在
淮南艸木見幽光

蛛絲殘稿讀堪哀瘦島寒郊費蒯裁一側酒旗茅店語
人間牆紙半斯才

秀句於今入選遲齒牙獎藉死何知解嘲弟一功名賞
白蠟明經太可爲

名字鐫存古逸民百季聊慰苦吟身別裁提唱如重見
枕善居詩

把臂東淘吳野人

過南旺分水口感懷白老人

岱麓諸泉東濫觴西爲汶水何湯湯下游大清赴渤海
東平迤北大清河
舊爲汶水下流記載古不聞修防明宋司空禮策轉

漕咨訪土著加精詳始引汶流上地脊分注南北通風
檣南注魯橋合洙泗北注乃匯衛與漳由此津門達通
潞輸挽吳楚歸大倉偉哉禹力不到處成此懋績殊尋

常方今大河南徙久淮弱不敵河流強蓄淮灌河勢旣
阻其間改計爲池塘近季河淮開漕
運名倒塘灌運相機啟閉守成法

大復稱便資葦杭因時因地見利弊古今万變供評量

揣本齊末會有辨不然歛鋪徒奔忙通才博議采何限
成法外豈無智囊白家老人儻再出誰與苻席籌吾鄉
白雲觀

丹房太極換長春北派宗風有七真我試來游譚丘後
白雲初不隔紅塵

去就金元興廢閒神仙也自識時艱未知漠北芒屨路
何似齊東海上山

長椿寺

粥鼓聲中聚盂水齋宗後足益廚人閒有學皆門戶

北地南能一派孤

京師僧寺修持從南
宗者長椿及龍泉而已

枕善居詩

二

椿枝斲綠椶花紫壽佛春秋歷劫全解道菩提本非樹
九蓮幻影不需傳

誰從動靜驗風旛万變銷除見本源紀載傳聞儘同異

金身塋裏自無言

寺有銅塋高一丈五
尺中有渾金大士象

招引游人倒好嬉黃萼益盡試霜時妙光閣陟尋無處

贖讀陳顥九日詩

陳其年湖海樓詩集有九日萼一
日同錢寶汾登長椿寺妙光閣詩

慈仁寺

火宅蓮萼信有諸越窳風露見真如

寺有窳變
觀世音象評量示

見非神異黃土團人憶古初

一見優曇不二門祇園衣盃又兒孫虬龍解脫鱗而去

枝葉重抽已鈍根

金元雙松故地補種已復成林

事業名山定是非棗梨度閣抵飯依

漢洋山人曾從今貯詩版於寺

書隸休重設

寺舊為市古書之所

梵夾經臺解得禘

何季高閣倚斜曛陳蹟追尋有舊聞好是老來要

平脚

嬾毘盧省踏一梯雲

相傳毘盧閣未圮時登之可見盧溝橋上行人

崇效寺

寺又名棗琴寺見茶餘客話寺中牡丹琴最盛

輪颺塵外覓清涼白紙坊弄古道場拈問棗琴開午吹

可能抵似木犀香

禪喜人來幾輩俱周妻何肉可捐無但看富貴琴如夢

不少迷津陸大夫

傳鐙錄肇法師指庭弄牡丹琴謂陸大夫曰時人見此一枝琴如夢

枕善居詩

三

法源寺

寺即唐憫忠寺

總管幽營徵調齊哀忠弁及契丹奚師還薦福無餘事

天寶漢場又鼓鞞

鈴語當時瑤幾層左弄文字古人曾

寺有蘇靈芝行書寶瑤頌碑碑文行

列以左為弄案褚河南書聖教序記雁瑜本右行

偽元聖武銷磨易

安祿山偽號聖武

落得知名張不矜

碑文不矜撰

墨萼景福稽人代

寺有唐景福元季重藏舍利記

異代還鑄舍利函

寺又

有遼大安開觀世音地宮舍利函石刻

北海雲麾今二礎

寺壁又有唐李北海書雲麾將

軍李秀牌為礎二礎石

羨他彌勒與同龕

嶼山守餓自千古曠世曹娥助激昂別憶徵車先絕會

司農忠節重吾鄉龔漢宋司農卿宋公被徵在道不食卒見高郵州志

松筠庵明楊忠愍故居

宣大兵戈殘破餘重開馬市計尤疎批鱗一疏輕遷謫不及青詞進步虛

丹心千古未銷磨勁節松筠比似他款段有人騎不得南昌甲弟竟如何

法源寺重摹李北海雲麾將軍李秀碑

雲麾范梈奠幽宅北海書丹在貞石此石何季去阡陌校官爲礎嗟再見碑在貞鄉學宮校官某斷爲礎見誰有正味齋集引黎民表古墨齋記

從瓦礫辨點畫董生元鳳邵生正魁聞粵客古墨六礎陷齋

枕書居詩 四

僻宛平令李蔭輦致宛平縣署作古墨 硯欽定日下舊聞攷 榻載大梁費徒

役少京兆王惟儉攜四礎歸大 幸畱二礎付拋擲文相

祠堂得護愴京兆筆記苔蘚積府丞吳涵遷置文丞相祠僻爲記見 欽

定日下舊聞攷 都人士幾駐游屐弄聞蘇齋宋本獲碑未爲礎

說疇咎三百廿八字審覈胡令摹刻已陳蹟胡遜幸宛平翁覃谿

以所藏宋拓殘本藉摹立石古墨齋見有正味齋詩當在法源寺刻石弄 今從法界別摸索

塵土摩挲見波磔字鮮漫漶省詮釋完好更復鐫篆額

宜其寶之若球璧倉卒未具紙數尺椎折良工他日擇

雷轟薦福防一夕

所至攜鉏種秋萼作此君秋心澹相對風露大欣欣已
讓桃李秀兼無蘭芷芬休因怨遲莫天意在斜曛

九日對菊

他日京華憶舊游定先廟市鞠枝秋秋光漸老詩應澹
寒意初來酒要謀江上疎籬誰短屐爽南落葉幾荒鄗
歸人人海如添記不爲豐臺芍藥愁

八天出都門宿高郵作

黃葉鄗亭夕照遲天涯別意酒尊知遙空幾字南翔鴈
催作歸程第一詩

長安車馬記來游卅載塵顏到白頭一種蕭條偏寫照
枕善居詩

五

蘆萼風色水邨秋

蓬轉

管人始爲車妙肖員轉意我今見飛蓬恰值攬塵轡勞
人天所定無從問榮悴息轍守冬心所愛枇杷翠
後凋松栢外百卉隨推遷轉蓬與落葉各已全其天枯
萎不足歎所惜春芳妍亂紅一飛墮流水空蒼煙

或近遼河故道

或近遼河故道

滄州滄海近碣石峙其東河未南遷日知曾禹蹟通眞
川猶故地轉漕別程功岐口鯨波闊雲梯路異同

今淮
安海

口名雲
梯關

東阿山中
鐘杵與山古寺農仗他老衲最知津九衢六轡如流水
可有從舟失路人

脫輓占來歲月徂舟車戒得後車無

戊子初夏覆車於此

躓山躓

至愁忙過歸作柴門倚杖圖

嶧縣道中曉行口占三言體

店門月鈴響發石橋霜馬蹶滑詩思來寒刮骨
痛僕呼鞭聲躓殘夢驚和愁斷舟車鐙一行遠

渡河水宿少息塵勞喜慰漫述

枕善居詩

六

湖鄉去作老丞綸一葦重隨喚渡人他日止應西向矣
豨膏莫更及方輪

青銅旅鬢白氍毹塵鞿長牽本不堪喜把山郵換水驛
吳船搖夢似江南

淮南米賤東歸晚料得旗亭酒賈平小雪先試寒夜
玉梅萼底話勞生

歸人式

歸人鞭策手喜改提胡盧自勞已不薄近局還招呼古
人飲酒詩作達尔豈徒故紙塵蠹存醉顏今在無我輩
非少壯吟事聊爲娛一笑勝百歎慰此歲月徂

天涯

烏帽黃塵得澣纔籬花
盃酒覓詩材
怕說天涯遠

万里箋雲五管來

來書由鬱林達桂林由桂林達都門由都門達高郵計程万六

百六十里

玉延招為東坡作生日題汪澣雲

梅鼎

侍御李委

吹笛圖實甫丈雨窻玉延同作

名姓黨碑拓易裂
棗梨禁綱鐫不缺
李進士坵詩集傳

詩帳以外今豔說黃州幾度逢
生朝窮鳥乾皮復含血

用趙壹窮身賦義

飛鶴南荒有數存
語識因緣又先結
要笛新

聲續洞簫視疇昔
夜吟裏別我輩
六百載後生為壽
淡

枕善居詩

七

盃酌菴哲欲把珠湖百頃久遙接
江干雪堂雪更折梅

花作供來寫照髯仙清勁節

傳聞

傳聞驟勤五中悲望眼
京塵隔水澹去住歡愁
菴夢短

灰生疑信尺書遲堆
甸百感增衰病額面
三年足涕洟

怕聽鄉人占木稼
天教無驗是恩私

杜門

杜門作伴篆愁君儘報
花開似不聞關塞風聲
吹鴈斷

江湖雪影賸鷗羣
輟吟仍覺苦方寸小病
又添衰一分

賴是浮名歌哭事
十季岸已付煙雲

吾曹

吾曹覓句撚斷髭此癖難療山難移更搜故紙哭同病
哀鏗那顧囊無貲一編竟傳亦何用恨未令各生葑知
因思澆愁貴見在遠勝墳土劉伶卮問季況已過半百
相對老態都堪豈齒豁目眊甚矣憊惟舌尙存知醅醕
莫慙小戶幾蕉葉花時不醉將何爲君不見淮海文章
富梨棗一朝竈下供飢炊

和雨窻

春蠶下簇絲千縷機聲軋軋寒窻女當時歎羨錦上花
花樣回頭忽已古舊樣翻新會有期此日新花棄如土
枕善居詩

八

請看織素花樣無無古無今衣待補

黃面白髮鳩槃茶筍季二八顏如花明珠作聘望已杳
街嫁何益空咨嗟相識芳鄰幾女伴阿嬌蚤見垂笄珈
青山蘿玉付一哭無鹽老醜還貧家

冬心

冬心檢點不曾灰老境聊謀笑口開小病時多衰酒戶
索逋人去賸詩材屏帷福分餘花共晚晚季允試雪纔
大字空春題未溼說春要鼓市聲來

高郵立春葑有沿門唱秧歌者謂之

說春

寒夕

止酒春寒夕愁來一倍加坐敲鐙閣影清瘦共瓶花忽
忽壯圖改勞勞塵夢賒聊披衾簡字醉墨幾行斜

淮海集版明分司南河工部郎中仁和李公之藻
重彫近歲或取以代薪存者三之一耳摹贈好古

同人發其一歎

破樓斜日訪詩來國士聲名劫後灰水部風流并銷盡
信他爨下有真材

李公序文極佳亦在煨裘中

度閣誰來護棗梨抱殘守缺似經師汗青儻見還充棟
我要從人送一鴟

北地有花曰鸞枝名見高澹人金鼈還會筆記花
枕善居詩

九

似桃實似梅而小余得其實歸種南土三季而著
花

鴉觜鉏輕破碧苔倚雲不似日邊栽一枝處士柴關裏
分得

皇州春色來

種樹壽身部橐駝新花穠似十季柯女牀莫羨仙根老
別有人間枳棘多

錄耆舊詩二冊漫筆

化栽機杼入操觚秋實春萼本自殊誰挾畫松張瓌技
一時雙筦下生枯

寄託遙深儘獨哦專從變雅意云何欲求味外畱餘味
蘭芷騷人比興多
果到能工不諱窮秋墳今古万雕蟲只愁塵篋遺珠夥
壓卷清才屬甯公
心血鈔存黯墨藝是丹非素可蕪塗屏除五俗按羣雅
作者難應讓選家

水禽相喚隔邨煙

放眼推篷雨後天
篙影菰田平綠外
夕曷遙在鬻泥船

枕善居詩

記聽鐘

夔叩辨才十年霜鬢客重來
涅槃退院僧龕在

樹老雞鸞已別栽

壯裏

壯裏七尺負昂藏
哀樂催人向老蒼
用短季來符骨相
故衫重著亦嫌長

和雨窻聞蟲

門徑苔花碧暗邊
破他岑寂悟蟲天
乍來落葉哀蟬外
相喚涼雲斷鴈先
莫景昏黃竄纖火
秋情悽黯在詞箋
其除日月唐風古
俊語銷寒又十季

乙酉歲雨窻作銷寒會記首及蟋蟀

在堂

詩義

雨窗最賞拙集中七言絕句一體其實於詩人無所得也書此志愧

黃河遠上豔旗亭絕調渙洋約選精不信偏師攻不下
附庸長句有長城

五字河梁鼻祖看斂才入律費吟安便無語襍屠沽輩
四十賢人位置難

題雨窗詩集

牢愁一帙語含悽寒瘦餘編欠品題卻似風鐙孤館夜
無眠坐聽峽猿啼

學無門戶守無株真意清詞體不拘別箸酸文供痛哭
枕書居詩

人間何處有唐衢時別錄雨窗文存

有感

文學送窮書罵鬼少作重披應百悔故紙都憑拉襍燒
成灰敢告言無鼻采風未廢公論申美自非夸刺自真
雪夜邊屯飛醉墨蒙譏作鬧是傳人用侯鑄錄晏元獻歐陽文忠詩事

說項何人獎才士騷壇提唱推牛耳江左吳會相後先
因依宋畢才名起江左十五子詩及吳會英才集俱載吾郡人士或假名流知

定傳棗梨牽帥遭屯邗誰師彼法戒口業不涉語言文

字禪

自道光甲午冬初從京師歸襄與嬾俱五嶽游

興索然冬夜有感東雨窓

秃筆荒郵紀去畱鞭絲颿葉管離愁徧嘗旅食忙滋味

又遣兒曹學遠游

時大兒之楚

蕪泥銜倦還新壘

謂雨愈又將移家

鴻雪回頭記我曾豈獨杖

鞋行腳去天涯纔算打包僧

洞庭北渡者云南北岸祭湖神焚桺桺州龍城桺

帖一紙舟行各得穩速按桺子厚龍城錄羅池北

龍池勝地也役者昇白石上微辨刻畫云龍城桺

神所守驅厲鬼出七首福四民制九醜余昇之不

詳其理今帖文制九醜後有元和十二季桺宗元

枕善居詩

三

字則子厚所書非役者所得石矣宋洪邁容叅題

跋龍城錄實妄書或以爲劉蕪言作

龍城木石洞庭神拓本移來福四民下第謫官均有憾

豈徒靈感爲宗人

舊說洞庭君卽桺毅下第遇洞庭龍女而仙蓋本異聞集

墨萼人代元和字公府芝泥押更紅

帖上有桺州府印記

纔信青

詞祈必應宮亭分得徃來風

槿邨招飲卽事

冬晴氣逾寒凍浦曠望十日嬾出游孤負屐幾兩玉

梅三九天雲黃雪纔釀卽須來短牋相邀得敝訪古歡

思古人遙情百奉上幽裒泯夜臺餘此秋墳唱賞心儻

未傳窺見一斑仗寥落紙尾名附益逮輩行各鳴其不平筆多直幹放掌錄芟薙兼無取乎冗長搜討所未周冥漠或隔向心力同儕窮知罪兩不讓廢書三歎起何以解惆悵莫餒魚粥香米汁喜無量

是日值臘八

鄉人有重鑄淮海集之議雨窗瘵生各有詩紀其事余思邑中遺文散佚者多矣為推及孫莘老孫君孚陳唐卿明王西樓張南湖亦成蠶句為和

黨人名重成南渡傳鐸文編禁網餘七百季來存十一一班窺見仗叢書

孫莘老春秋經解見通志堂經解臨江劉延世所鐸孫君孚孫公談圖見說郛及稗海中里中無單行版本餘書更無從經眼

枕書居詩

三

莫從書肆陋麻沙得免銷磨幸滿家故紙今如餘晷枉愁侘口授異時鑿

陳唐卿江湖長翁集王西樓張南湖詩詞樂府俱僅存摹本

所識白田詩老各已千古率筆以當三數
王少林太守小樓詩集棗成太守歿已近四十年矣太守諱高

小樓詩夢續梅天

樓邨太史有十三本梅花之夢小樓先生作圖名人顛詠甚夥

五管

歸囊缺俸錢今日棗梨棗足本傳鈔紙賸卅年苒

喬儀上先生草景窮愁自號鐵人先生諱大鴻

張侯長句管無倫窮果能工故紙新還欠繼聲寒瘦集

鐵人可悔墨磨人

朱直方司訓著壽藤軒吟臺司訓諱宗大

高格宗風初盛筆筆無浪墨憺如金壽藤五字千秋業
不見偏師作者林

短燭

短燭照枕愁斷夢憶了了風葉川上寒雅語紙窗曉塵
中起市聲去住各紛擾勞生自古今靜者寶吾道誰歎
杜門吟相從憺不蚤

耆舊詩二冊菜成和雨窻瘦生

才鬼秋墳唱冷燼歐心知否入新編吾曹不夢衣冠拜
鈔篋遺文本未全

枕善居詩

古

今人癡勝古人癡人以詩傳半信疑悵望千秋廢書歎
注經猶有就刪時

九里亭當在城北九里運河隄上宋楊誠齋有過

高郵九里亭詩亭廢名存土人猶稱九里近有以

他名題署者作此正之

亭於古爲郡國屬或作亭長封亭侯更有亭與瘖同設
十里五里依戍樓舊傳吾邑秦世置名亭無異名以郵

地介江淮據津要邏卒姦宄資窮按此亭定不爲游觀

去 守望邨落聯雄州太平日久付圯廢基阨安在名空

畱營門題榜換新字鄙陋到耳稱堪羞吾儕熟視若無

睹碌碌俗子夫何尤淫祀棟宇徧鄉曲徒召游手棲繼
流撤其材爲修葺用百一已足供取求阿誰復古師古
意兼擴詩竟垂千秋過客雙旌去不返問諸水濱之浮

鷗此詩作後已改題
九里亭汎附記

瘦生寄詩根觸余裏

積財与子未必守千金一擲倏烏有積書与子未必讀
哀朽蟬斷空連屋分財分書其孰賢書存手澤猶存焉
我爲債家割二頃富擁百城仍管領球壁寶之親標題
朱文姓字雙芝泥目眊今年厭夾註鐙底攤看隔雲霧
繼我展卷知何人雞窻螢案課等身凡物有聚自有散
枕書居詩

五

應念老儒發三歎

有秋

有秋幸偶及湖田償責難籌穀賤年一種乘除堪失矣
棗梨工費賣文錢

正月初五日俗祀財神或以爲崔綱神繹崔綱字

義蓋取催綱凡運致穉載諸物古皆名綱茶綱花

石綱之類是也今惟運鹽謂之綱運然則從事鹽

策中者尸祝之宜矣高郵業重農田祀之神應不

歆且此神載籍所未詳也按北史魏收傳引晉董

助說正月一日爲雞二日爲狗三日爲豬四日爲

羊五日爲牛六日爲馬七日爲人二老堂詩語引
占書謂一雞二犬三豕四羊五牛六馬七人八穀
其日晴則所主物育今人日咸知占驗而不及牛
牛爲力田所賴卽民食所關其盛衰尤當有神焉
主之乃在所忽何哉率筆正之

漉沙禹策利原通足穀汗邪喜告豐業判農商未相溷
靈旗錯颺阜財風

淮北場鹽亦
候風衰旺
夢溪筆談詳載解州鹽澤南風之利
或云舜琴阜財指此但不道鹽耳今

不求腹果患囊充供蒼香花土俗同儻有青詞達神聽

請移文筆祝牛宮

陸龜蒙有
祝牛宮辭

枕書居詩

六

梅萼書屋坐中諸老雙鑠可羨筆記一時情語

詩酒當季興今歸八十翁吾曹吟事減相笑醉顏紅泥

滓催雙轂湖山入短篷評量喧未判且爲繞花叢

不厭聾丞老才華勝少年舊時香按吏相擬玉堂仙講

授誰爭席傳鈔始外編虛名余重愧衰醜已殫然

拋卷

別裁僞體定誰工門戶諸家紛異同拋卷倚闌成一笑

梅空冰雪柳空風

和瘦生落花

惜花底費綵花工流水多情點亂紅聞道露桃天上種

神仙不恨五更風

無可奈何鏜有幸清霜落葉未同時家丞秋實偏相賞
莫詠春人薄命詞

劉龍洲 墓碑拓本

墓在崑山縣馬鞍山碑文元楊維禎作

中興望絕天水碧悉索金繒感疆場廟堂經濟屬偏安
恢復議歸游說客龍川義憤啟龍洲放浪吳楚挾奇策
橫劍盛氣揖諸侯醉眼古今六合窄吾謀不用失事機

夢裏中原髑髏擲馬鞍山色弔鬼雄堦鄉荒冢畱三尺

龍洲至崑山某姓患之女焉見岳珂程史

改代文章感鐵崖詞人名姓鑄貞

石髡徒惡劫還粗官

墓爲僧瑜所占見碑文近世某達官屬某縣佐覓此碑拓本某誤會

枕書居詩

七

載碑致省垣旣而載回委諸山麓幕游其地者釀錢重立墓側

仆立亾存護幽宅拓本

攜來海上船精悍鬚眉想如戟回看拾骨宋諸陵一樹
冬青越江隔

公路浦歸舟

經旬游屐溷飛埃放櫂津亭曉色開轉似此行全不俗
載書船去載花來

重游寶應畫川書院故喬石林先生縱權園也

去來淮月泛孤篷幾有撥幽屬寓公倦足重尋舊時夢
過橋人影畫川風

侍讀風流道不孤瓣香粟主拜生徒別教望古成遙集

片石新歸孔老圖

射易有古墓石門孔老畫象蓋漢石也舊爲江都汪氏所得今移立於此

弘光元年稅帖

版圖日貳還抽稅閩運朝廷故紙藏悉索應供軍賧筆
春鐙謹字一般忙

曠稅誅求急理財記他中業禍先胎不愁民力東南竭
衝命貂璫絡繹來

高郵縣輒在今揚州南門城上攷邑志沿革漢興
以後明初以前皆置高郵縣此輒至近亦逾四百
年矣

郡縣輸材字各標江城半壁認前朝朝堂戰守紛羣策
枕書居詩

六

鐵券功名轉易銷

矢石重圍兵氣散守陣去後艸還春時平不仗小城保

甓社今無運甓人

時議修高郵城不果

半窩集飲漫筆

五日三卮酒未嫌良會多年華迭哀樂琴月仗銷磨舊
悔經生業今無古調科

唐登科記天寶六載進士二君十三人風雅古調科一人

看文苑傳不記醉顏酡

雨晨寄懷蘄花邨農

清響盆荷雨秋裏和夢涼涼雲暗邨路遠夢到書堂還
望斜陽樹遙連打稻場淮南米貴賤父老要評量

新城王文簡任揚州司李時雪高郵居烈婦寃邑
志事實小譌幸帶經堂集有傳足以傳信也

司寇未忘司李日爰書扇綱得平反他年邑乘憑徵實
勝雪三年孝婦寃

絕筆文章慰覆盆了將公案示兒孫披尋棐本休嫌晚
法界新鐫片石存

近守令山左某某公鐫新城司寇傳文上石將嵌白衣庵壁

雨夜

雨堂秋入鬢添絲涼聽荷喧醒枕時卻憶打場遲不得
水鄉愁思板橋詞

興化鄭變板橋詞最怕是打場天氣秋陰秋雨

和題淮東三子詩卷三子一爲寶應王方若

式丹

枕書居詩

九

一爲高郵李北岳必恆一爲江都郭于宮元舒傳

公澤洪雍正九年棐版

百年精選在塵寰鼎足聲華藥籠材儘以淮東別江左
似無餘子与

去

詩才洪纖各擅專門業名貴端資僞體

裁儻是海西增一老陋軒應不耦居猜

東臺吳嘉紀

寶應道中讀雨窻書示前人鹿鹿圖詩

埃影殫揚古驛孤驛前楊柳万榮枯來牛去馬煩迎送
不了人閒鹿鹿圖

近人彙刻秦艷帖將陷石文游臺壁或云中似有
贗鼎搜訪真蹟更待精鑿家余

元祐名賢尊手蹟亂真臨本亦矜奇從他石墨嵌廊壁
塗勝礬書作屢碑

國士何年魯道經書丹顏廟仰英靈重摹片石文臺上

誰仿吳興墨妙亭孫氏訪碑錄山東費縣顏文忠公新廟記宋曹輔撰秦觀正書元祐七年

月四

程歲雨窻索贈楹聯未有詩記其意補作絕句

孽牋生輓事翻新櫟括升沈百歲身墓誌古聞煩自作

有時不抵贈言真

不嫌蚤計徵題句仙蝨應來蝕墨痕更有他時文字約

效蠶生祭蔣蘿郵

枕書居詩

耿侯祠附祀前明仁和李公振之之藻濟甯徐公

鶴洲標兩水部制使蓋弋賢祠中弋賢之二也

鈔版連番煩健筆長翁遺集繼秦郎李水部采秦少游淮海集陳唐卿江

湖長翁集想應照夜神鐙外綠字騰為列宿光

鶴洲犬節已千秋課士文臺故紙留徐水部文臺課士錄有序我媿

任城頗小住谿毛未及薦山丘徐水部天啟五年進士官至兵部尚書督師畿

南李自成至歿之詳濟甯州志忠節傳高郵州志誤作崇徵進士與國子監題名牌不合附正

四士晚琴

落葉荒寒處士家杜門差喜不天涯年來百事輸人蚤

益几霜晨供晚琴

消寒弟一集權邨詠殘鞠

一年花事數上 冰雪到黃梅 瓠斗陶家種 遠延晚節開

冬心屬秋士 寒品豈凡材 暝窖先春發 他時棄不栽明

之鞠苗皆生於今年秋杪
彼唐花開後根遂枯矣

消寒弟二集詠寒月

忍凍起殘夜 夜色引筇屐 門前霜艸枯 曬遠茫茫白

孤光上梅梢 清絕愜詩境 踏雪酒人歸 籬門一蓑影

雪夜

風約檐滴住 片玉敲窻來 遙知屐痕路 封到梅根苔 天

公降尺澤 豈爲添詩材 驗取農望慰 一卷占書開 去年

枕書居詩

三

缺三白殷憂 蟲蝗災明年 足秧水已卜 高田栽豐樂 苟

不爽老境 聊悠哉 言從二三子 攜酒東山臺

消寒弟五集半窩賤酒賤

玉壺說買當年春 骨相寒乞羞囊貧 歲豐任減唐代價

青銅三百儲 來新昨宵風 雪打窻 急胡盧 學士相招頻

傾家釀汝不需惜 我本債帥非愁人 凍齋亦是千金值

下著万錢誰入珍 長安米貴莫過問 醉眼看他車馬塵

自題詩賸卷

曩取自訂詩本錄所不及之
作付兒輩掌錄命曰詩賸

知我休疑所好阿 自加甲乙恐差譌 豪端黜籀文章憤

不厭秋林落葉多

歐心得句幾能傳苦海名山各後緣
選佛如參弟二義
或看轉語勝初禪

題長洲尤信甫堅居庸壘翠圖

濃翠關門吹角開時清未要勒銘才紀游
落得唵裏壯
不負中原策蹇來

飄然書劍寄雄邊上谷風雲憶往季
別有江湖煙水想
丹青北客寫南天

答無錫秦千之格詩意

誤期身世護能伸窮士頭銜老卽眞
箸述無聞餘末技
校讐有幸託先民所欣翰墨因緣舊
不少過從杖屨新

枕書居詩

三

故國寓公誰主客蘇臺我欲訪鄉鄰
千之自述爲淮海後人高郵土族大

半明洪武初由蘇州遷居

甲族桑龔邑乘傳自侘有燿各遺編
桑世昌蘭亭博議高似孫改名蘭亭

攷弁政世昌爲天台人龔子敬存悔齋稟願星五元詩選佗平江人皆據遷居所托也
君來一例

徵文獻誰與相逢說播遷黨禁兒孫才器偉
偏師工力
墨華鮮句成儘約登臺展秋水谿毛薦四賢

亾兒壽山遺鉏以苦竹爲柄蓋其薄宦黃梅時故
物也半窩帶山各有苦竹鉏詩余亦綴語志悲

負郭耕無二頃田倉貧微祿楚南天
荷鉏計準需庸福

或欠人間學圃緣

癡望回甘官味外鄉園未策此君功硬筮致仕青衫脫
身世猶勝作蓼蟲

平生

廿季前小住江城鶴背人多矣客卿我亦豬肝求口實
轉應孤介悔平生
纔似知名鬢已皤誤煩開閣禮爲羅蠲免生活書圍裏
不計神仙字幾多

秋齋書感

懷土未應忘惡溼漲痕又沒蓼花叢津亭羽檄忙車馬
澤國茅檐畏雨風人事勉修誠儻格天心悔禍報曾豐

枕書居詩

三

防川自古無長策蒿目看他保障功

風雨

風雨坭橋黑應無賣酒家聲遙一犬外涼信到蘆花舊
識教多術晚期生有涯依人要依樣愁裊黯鐙紗

通州農家棉田十居七八獲利多也作詩曉之

吉貝裘葛外禦冬茲必需江北海西地連阡植高腴擅

利蠶桑上什一敷官租不愁乏升斗估客資轉輸殘秋

昨多雨晚花損幾無

土人呼棉曰花有蚤花晚花之別
又呼棉田曰花田署棉市曰花莊

棉貴市三倍飢來口難黏大哉會爲天古訓良非誣周

官漆林征抑末本乃儲生齒日以縣地力奪可虞人方

祝豐樂此論吾其迂

風雨不得登琅山悵然返櫂

結願仍虛五嶽游游蹤聊駐海西頭紫琅未是蓬萊路
也有回風引去舟

一丘一壑栖遲足古路三叉已覺遙游冠平生誰眼福

登州海市浙江潮

李香君象畫冊

長橋舊院尋無處一幘南朝倩影張扇底桃萼非薄命
不多香澤管興亡

蛾眉亦解羞羣小位置疑堪社爻閒卻讓同時桺如是

枕書居詩

知將好水諷虞山

寒霧行檣艫消寒弟一集作

日長至後池無冰寒林忽已地氣騰蹇鳥不曜霏四塞

占書或曰非休徵南山僮叅佗風雨大雪節過殷雷鼓

茲復百邪塗冒陽燹理端應仗公府公府德業返天庥

吾儕艸野寬蕪憂莫嫌斗酒十千貴待臘眼前聊拍浮

枕書居消寒弟二集同詠新得孫莘老春秋經解

單行版摹本

吾鄉莘老儒林傑經術公才兼亮節朝報無端斲爛名

千秋恐遂微言絕入社書先要義成諸家舊解中堪折

江淮兵燹膾丘虛誰護遺編述詳說紹熙天遣邵侯

輯

來工鳩梨棗心香熟弁言廣伯

莘老孫

乞龜山別見師資

篤前烈汪侯綱繼之勤表章傳刻徵文惠來哲想當版

本歸度藏湖上珠還夜光徹放失今無伏讀人書肆楊

州塵架列全帙新從珍重求後學空疏恥需雪行開百

一漫漶嫌大指猶存未磨滅酒鴟何處鎖奩開待校丹

黃補其缺

揚州北郭外僧舍額題欽賜藏經院万歷三十一

年欽差經理兩淮鹽法兼管浙直織造御馬監太

監魯保立

枕書居詩

重

神宗臨馭弊政滋浙直織造貂璫司黃門宰執奏議撤

此輩復設當何時淮鹽節制命魯保太阿不惜諸倒持

應天盜曠誣樹穴幸賴王气申寃詞肯陳稅監委官虐

止一抗疏非詆欺中使千里見四布乃讓暨祿稱寬慈

大書院額效佞佛冀逃真罰何其癡願得奔斯作薪爨

免弔古者千秋嗤

孫莘老春秋經解單行本有收容若校字此版疑

卽通志堂物感而有作

插架書多羨五車幾能紙貴到貧家何如散落單行本

猶驗經生眼不花

嫁名纂述書眉蚤果是多聞半信疑卻有才人眞面在
流傳綺語納蘭詞

開元十二季高府君福墓銘近歲出土府君力士

父也官至守內侍上柱國蓋以子貴舊唐書 高延福

薤骨中原無事季又當采替五谿先泰陵陪葬環終賜

伐石誰來表墓田

功名不稱去罌華鐫事實徒誇佞佛錢終讓信臣言可

信府君範聖容寫真獨雖衣會所窘此心不易又府君之寵嗣曰力士我大君之信臣也俱見銘文舊

聞柳氏贊皇編

消寒弟五集半窩題汪忠勤廣洋鳳池吟宋 瀛序

枕書居詩

美

自古功名兼禍福況值中原變陵谷始作令史終右丞

遭際風雲榮願足當誅孽坐無善言曾獻忠謀詔增祿

旂常泯滅文字存湖鄉改代陳編讀執苑忠宣蚤瓣香

淮東學士淹通獨公如不遇僅詩人那有爰書及醪醑

悔否季時仗劍從元勳幾輩韓彭續眞儒溫樹亦沈淪

夔府山丘徒卹錄

露筋祠後三十六湖樓道光丙申丁酉閒觀察某

公建其實諸湖多在郵西北此其尾閭也

直北珠鄉水渺漫畫樓新榜此題看客來面面窗紗折

要受湖光卅六寬

仰止非徒翰墨緣自來勝地以人傳淮東別有亭臺古
斗野文游幾後賢

凭入荷香興不孤落成賓從想鳧趨於今陳蹟誰重訪

只我頭銜署釣徒

余倚聲題三十六湖源唱

明初高郵欒公秉德

鳳

知諸全州

明史太祖改諸暨爲諸全歟

叛將謝再興之難妻王夫人

繫英

捍夫同時被害

事詳明史胡大海傳隆慶州志誤以公爲元諸暨

知州歿方國珍之亂案張士誠遣將呂珍襲諸全

再興叛應之見王儼

鴻緒

明史稿國珍又名谷

珍見明史本傳贊昌谷字相侶而譌因之王夫人

枕書居詩

宅

亦入元烈女傳

國初府州志沿誤嘉慶府志據

史及汪朝宗

廣洋

鳳池陰稿改正

鳳池陰稿有與欒鳳使廣陵詩

夜直與欒架閣秉惠期孫伯炎不至詩欒架閣督運徽宣詩

惟王夫人未入明

代乃改所未及尔

架閣歿諸全血久苧蘿碧事溯洪恣舟專城此疆畫是

時元祚衰蕪東南半壁九四明強鄰守禦仗矢石再興

應呂珍內賊外寇追授命臣節完甘殉百六尺如何隆

慶志譌謬足指摘紀事屬本朝有若干載隔致述舊聞

者沿誤二三策鳳池侶忠勤賡和竝朝籍傳刻陰稟頃

亦未一揆索

隆慶州志高郵王應元纂鳳池陰稟未有應元子百祥百順跋

府志未改

作入覽快胸膈援據正史文堪慰忠毅鬼素英同被戕
同掩土三尺夫婦乃異代小舛餘歎惜點窳移置之諒
哉後賢責

天長北鄉家祠舊爲潘氏娛餘園潘君名世恆字
大年號北山天長明經作此園及可帆亭一時名
士觴詠無虛日有可帆雅集圖娛餘園詩集 文
簡兄手錄崖畧黏壁又注其下云出潘氏族謙余
以詩紀之

雅集銷沈付掩關孤雲飛滅鳥知還明經迷老知多少
誰占詩壇似北山

枕書居詩

天

世系猶稽式微後歐心故紙去畱輕畚關塵壁司空筆
還怕蟬奩蝕姓名

農家堰水衛田聚興工作攷宋史政和中立管幹
圩岸圍岸官法在官三年無墜損堙塞者賞之是
曾以此爲考課也

邪許聲遙急春杪雷雲兩岸融泥艸有基勿數非曲防
其崇欲似小城保谿流湖漲捍衛資收效涼秋欣穫稻
伊耆始蟠八之一 坊卽今圖岸 報功先勛田功蚤官爲經理

受厥成豈不握要或煩擾因時因地老農知文告紛懸
意自好

戲鴻堂帖謝希逸莊書後印章云衛人賀氏方回

家儲五車良子孫永保之

物聚所好供珍藏名蹟審定宜精詳子孫保之語鄭重
題識存欲千秋長一矣金石有時敝竹素松煙況柔脆
蟬斷更或遭摧燒典籍銷亾噬一例方回印泥押尾紅
傳刻忽已歸戲鴻屢轉易主屬時數不然鑒賞將無從
梁檻蘭亭被命取一坏別掩昭陵土人間散落翰墨緣
何殊東壁圖書府

元史宣徽院屬屯田打捕提舉司迳簪花赤掌湖

泊山場渙獵以供內膳一在高郵錢氏竹汀元史

枕書居詩

元

攷異及世族表據程鉅夫林國武宣公碑載徹里
帖木兒曾任此職隆慶高郵州志已失載

大庖玉倉官司守山澤珍多幾薦腥記否頭鶯春淀水

遼金邊豐海東青

便傳天水圖經在外史終譏采輯疎別有抽分提領設
待他詳備後來書元史抽分提領所有提領同提領副
提領一在時堡興化一在高郵寶應

皆受宣徽
院劄付

洲雨窗感詠木芙蓉詩意

晚萼開又夕曷墜幾度延秋一刹那卻憶分賤人半老
當肯不厭酒傷多

桂枝香曲爭傳唱冷豔誰重按謚新蚤信我才非有用
肯拋心力作詞人

天王寺吳道子大士畫象

南海妙相南城衢鑄金事匪沙門徒

南門內育嬰堂有大士銅象相傳明

季敕造蓮過高郵時值國變委諸河干居人昇供堂龕

莊嚴一幀東部展昏鐙冷

照香煙俱有唐絹縈歷千載哀朽猶未丹青渝名蹟眞
質辨者幾顛識屈指歲月徂五季江淮劇兵燹劫運嘉

靖還倭奴

高郵州志嘉靖三十六季倭寇焚天王寺火三日不滅

得免茶毘或呵

護白豪示現今廡廡武梁祠堂畫象夥宓犧以下兼休
屠拓本傳觀石不泐高堂壁挂誰臨摹

枕書居詩

篷窗

三

文章聲價原難定筆禿天涯眞賞稀鐙館交親仍別酒

篷窗風雨又寒衣籬萼不恨歸期晚津吏應嗤老計非

倚杖柴門最閒適寫生可得願無違

時作柴門倚杖圖

讀淮海英靈集寶應丁壯士戰場歌

壯士姓名丁效恭作歌者

寶應人

楊景鏈

國家承平數百季重譯來王圖職貢中原安堵但桑麻

累世都無鋒鏑恐倭酋毒代料角沙

今名廖角轉掠揚州報

倥偬志藥災祥筆具詳天王劫火孤篋縱白田壯士戰

城南作歌紀事遙堪誦淮堧守望策萬全小城保想志

成衆杜子詩心彼一時淨洗甲兵長不用有菊終居懣
患先要在能靜亦能動君不見鐵廠臥護制勝門摩挲
鏽涩苔花重

桃萼來從權邨本是直幹季來日見拳曲高不逾
五尺而橫枝所及長幾倍之爲作

龍門桐高百尺碧不知世有黃楊厄茲桃枝幹蟠艸菲
如人偃偻又攀壁遷地既久殊蓬麻散材甘被工師斥
或疑天意俾用短申者其神屈者迹風露禮奪一例春
攀折牆頭省護惜輪取卑栖翠羽來未羨鵬霄振六翮
王阮亭司寇感舊集小傳載沈太矜語著作需手

枕書居詩

三

定自刻庶能垂遠若俟子孫恐故紙斤不當二分
直也太矜此語淡痛蓋閱歷多矣然事堪感歎豈
難在此語外者爲推及之

欄載書勝易朝饌心血誰悲故紙賤名山事業化飛灰
苦語中包百聞見亦有遺文累世藏忽弄羔雁同攜將
通才高位乞知定行遠藉爲海人炎朱墨縱橫付門客
點金成鐵二三策弁言珍重煥新編九原蕓恨千秋厄
古今充棟看殺青幾多注我注六經改代存亾屬時數
詩卷況易歸飄零

萬少雲鹵風斲雁圖

雨江搖夢櫓聲柔
斷雁還來喚旅愁
悽過一鐙荒館夜
哀猿啼禽四山秋

我亦孤衷堪寫照
遙天隻影共殘星
怕尋爪迹看泥雪
羸那重來畫裏聽

黃牡丹畫幃

沈香亭北暝風歛
金粉分來畫折枝
澹處何曾穠豔減
天侂失計買燕支

顛唱詩壇舊獎成
傳鈔品藻俗科名
有燕染筆春風外
隱逸花枝別寫生

南海黎遂球黃牡丹狀元
詩事在明季楊州鄭氏

愁眠

枕書居詩

三

愁眠那得熟耐聽
露蟲響天末寄癢病
尺素先夢往夢
短道阻長敲枕增悵惘

秋天不冝明

秋夜愁裏誰短長
少陵詩味我先嘗
柝聲空杳寺鐘歇
三五露蟲唵曉涼

身世

柝驛飄蕭過晚秋
雁羣相語稻梁謀
寒澗斷岸西風夜
遠夢低篷客枕愁
急遞羽書仍海縣
取材竹槌始中州
勞人只自鑿身世
所祝長才展一簞

六十五歲小象繪成作今吾詩頭之

撚須還是耽佳句有限才名屬晚季不恨無成符骨相
初心一笑百都捐

裝池小幅去來攜客裏今吾徧乞顛記是南游存後約
博人別欠虎丘泥

題研北花南詩詞栞本

制科榜帖起孤寒百尺龍門燒尾難淮海聲華誰並駕
賓朋詞賤一登壇才人末路名山計故紙空箱長物看
小有千秋傳刻晚九原知己淚應乾

黃石齋書少陵艸堂詩較傳本中少大官喜我來
二十字末少於時見疣贅二十字或呂爲別本如

枕書居詩

此蓋先生省之合下筆時情事耳

婺源餘晝義師旗衣帶東華絕命詞先寄風塵老夫意
腐儒正讓健兒時

薇倉艸堂悲亂後後來點竄有微權墨華易象遺編外
應向銅山石室鐫

銅山石室見明史本傳

明興化吳柴庵姓之先德夢其邑柴仙而柴庵生

其人其自號取此今柴仙祠在柴庵讀書樓南

破樓城角話斜陽夢幻再生事渺茫不信大羅功行滿

轉隨劫運歷興亾

金齒餘生相業輕讓佗高文義李文定際時平優仍沖穀春芳

舉應多悔誤被人間殺氣名

洛陽耆英會圖石刻拓本

良會世代遙石墨見耆舊聞氣功業垂不朽固已壽疑
季使之季老健況各又臺省重鴻猷正介資補救疏外
或祠祿憺哉此邂逅賡和推二公清流想領袖最少惟
端明偉望逮元祐宣徽及餘子名字牽左右圖外披黨
碑邪正嫌襍糅紹述新進多惡人買絲繡

勉從

粥飯僧家意勉從上堂已了各西東

用成句 諸人佗
常共一餐而散

時迫論功名薄伴會中書可異同

枕書居詩

壽

腐儒粗糲酸風慣繫釘今緣佐酉加會憶銷寒閒楮墨
寫裏和雪嚼梅花

瞻袞堂舊在城上近代改築狀元墩寄

半壁南天楚楊春也夸袞繡比東征入窗雉堞歸雅影
不見堂寄屬吏迎

狀元墩呂宋趙倫得名倫大觀狀元見州志舊本

至今靈藥還高賈墩不需爭壑可專墩產
孫斂卻怪銷沈天

水碧龍頭文筆宗縣傳

揚州遇江甯阮小咸墟

憶別初寒葦岸船渡江雲裏到唵箋儘關餘論非名上

徑欲從游怯莫季作客忽逢騎鶴侶就花猶及試霜天
登臨儻有谿山興弔古應同一惘然
舊俗繇華地久安往季兵氣逼江干解嚴諸將弓仍挂
紀事餘生筆未乾蠨火荒郵歸權遠鴉風落木小樓寒
話來去住都難賴愁衰相期得酒寬

長世贈別江甯何梅屋

詠之蘇州

抱奇高世見通才舊自江山勝處來逸興停舟玩珠水
孤囊點筆黨人臺別蘇苦語難忘酉太及酸情欲放某
驛使到應頻尺素柴關還侶爲君開

行述

枕書居詩

壹

老應塗抹罷日飲可無何行迹忙依舊初心負更多歸
雅赴殘照古戍守滄波悵望入蕭瑟誰聽斫地歌

津鼓霜街柝爭來殘夢邊枯豪才盡客短燭夜淡船老

態嫌鐫拓

近有鏤余癡顏嵌壁者

新編愧信傳

邑築續增余與纂章

何煩卜

身世明發逆風牽

欲曉

多少榮華夢想捐長宵強半屬無眠畏寒覺白癢來蚤
況是霜檐欲曉天

宿火鑪灰撥尙温紙窗銀白待朝曦敝裘遠道從頭記
欠雪輪蹄出店門

京口

礮火東來易何曾鐵甕堅富家徒勝算致寇失中權碧

血遺民錄青州灰王寅城青州士卒奉調防堵鎮江歿於王事者新建祠於城內

江關原設險勿恃息烽煙

金山下舟中

風豪雨橫江灘夜獨客低篷坐一鐙卅六季前要腳健

夕陽樓閣最高層

飛到風檣海國遙內訌兵氣入秋銷藏書壓架長恩守

文宗閣四庫書鈔本 僅不愁供劫火燒

月黑瓜洲星火明相望信宿幾溥平從新津鼓怵聽外

枕書居詩

吳

雲板敲初放櫂行

愵愵北渡畱顛省未費谿藤昇研雲待挾畫帥佗日過

倩摹金碧李將軍

又與閣筆最高韻

怵邊閣筆已多時才盡於今半信疑老子悼亾三十載

卷中合省薜蘿詞

少時浪墨何曾楷證取吾癢小輟吟有句無多春氣味

相宜是寫歲寒心

淮東

淮東諸蕩水所歸與蕩爭地高作圍

淮東謂水所瀦曰蕩圍田見宋史河

渠志蒲魚利外耕穫蚤厥賤下下塗泥肥今季湖波幸不起雨少秋來澤農喜稻堆齊屋遺秉多社酒神絃似婦子重充單闕憶防川川潰不得功貪天漂流雁戶十一返參坐漲落邨無煙誰從樂歲話疇昔檢裁官吏書飢冊祇有鄰家藥未寒叱犢把犁催種麥

書友生讀杜詩詩卷後

大成集後尊詩聖學子人人拜浣花的派宗風誰具體一鱗半爪各名家

優孟衣冠誇體裁別傳梨棗未爲災豹辨一管窺先見句法西江說後來

枕書居詩

毛

後來詩史算相關月露之辭僅破閒天寶距今千載遠變風變雅屬時艱近人詩說譏仿杜太過諸家以爲位非拾遺時非天寶

訪古難尋尺五天憶游李白酒樓邊空山笠子覘遺象森木南池忽卅年工部戴笠象石刻在城南池池與城上太白酒樓相望皆余舊游也

帶山詩來謂白石道人最契於梅當於梅花盛時爲白石壽余適得白石小象石墨遂相招設供

自度歌筵絕妙辭暗香疏景繫人思布衣才調千秋業有薦寒泉一盞時

猷笛知佗幾度聽西塍薤骨幻精靈大羅例有文人在城主芙蓉石與丁

香韻重和語雋參似從消息范邨揆迎神水月南枝外
配食孤山處士堪

名徧當時俊士稱饋貧爲壽有誰會供花人亦窮詩客
鑄佛醵金能未能

齊東野語載白石自述四海之內知己不少而未有能振之於窶困燕聊

之地者

閱世

閱世紛真幻頻云咎異今窮愁和雨集癯病入秋殘殘
蟀碧苔砌歸鴉黃葉林物論齊未易欲語更沈吟
作達無聊裏懷哉且樂詩猶存松菊地可共雪霜時晚
節參通介由來半點癡江山踐游約筇瘦或支持

枕書居詩

三

和雨凶花朝歌

花牋招集花朝酒爲先生壽爲花壽餘寒花事今年遲
才是南枝鶴相守夢來香雪海中行揚州慢唱移遙情
九九莢支畫難了半窩春半詩襄清詩成呈否無量佛
印可結習維摩室因緣茵溷不分明試更驗取家丞實

高沙

高沙不高水中抵淮渦汎邇巫支祁父老過從數樂歲
幾得八口家無飢上游雨少值其偶銜艾日夕怵我私
與水爭地古嫌拙與魚爭食今嫌遲舩舩滿載待滿望
勤動那復噬吾衰擁貲良賈坐握算不知許事食蛤蚧

雨嗽

覆巢之鳥飛失居豪風昨拉庭柯枯檐聲又是雨嗽猛
水氣四圍城勢孤下流益信古所惡著屐路斷思棄桴
稻場糜爛市價貴旱魃柰更無高腴

和王薊穀題文信國公遺琴拓本

景炎去今五百載松煙濃印枯桐在正氣天壤合正聲
繞絃風雨寒山海薊穀好古夙皮匪一幘行篋同珍珉

湖城示我發光怪獲觀有幸堪夸張鍊崖之寮致七容

事見吳荆山
玉帶生歌序

半閒堂物亦寶惜

賈秋
盤琴

同是哀思道器殊

有臭薰猶語傳昔安得兼致玉帶生不磷來與不渝并

枕善居詩

三

四四銘字快椎拓兩慰人閒傾仰情

端居

習懶惟觀物端居儘漫齡嗽雅歸草色老樹證冬心不
悔功名薄徒驚歲月深餘生拙生計食字一書蟬

冬甲子日喜晴

老益畏寒信寒士所望冬晴始甲子往歲歲占值雨

去

雪凍歛不獨牛牟矣朝曦浴海上樽桑團樹飛鳴万雅

喜休徵疇範牽時暘亭午南榮便

平

坐起晚來問飲一

杯燕索賈應難高酒市



二 乙3

中国书店(疏)

册数 4

定价 12.00